

# LISWAYO LA BUSUPA

 Ni itumezi, muzwale. Ha lu nze lu yemi ona cwalo, ha lu lapeleňi.

<sup>2</sup> Mulimu Yamata kaufela, Muñ'a Bupilo, ni Mufani wa zende kamukana, ili limpo za moyo, kaniti lu itumezi cwale ka yona kolo yende ye, ye ipitezi, nako ya kukopanela Fapila Hao; si lubeya fa kalulo yetuna mwa bupilo bwaluna, Mulena, nako yelusike lwa libala, hakuna taba kamba lukaina nako yetelele yekuma kai. Mi lwa lapela, Mulimu, kuli ka busihu bwa kukwala boo... Lusweli kulemuha Mañolo, ka lizazi la kukwala kwa mukiti, Jesu ayema mwahala bona ni kuhuwa ali, "Kaufela ya shwile linyolwa, atahe ku Na!" Mi Na lapela, Ndate yakwa Lihalimu, kuli zeo li ka kutela hape busihu boo, kuli lwakona kuutwa Linzwi la Mulena luna ha li lubiza, ni ku lubizeza kwa sebelezo ya Hae, kuzamaela bukaufi. Lu itkutwa kuli lu utwile Linzwi la Hae kale, mwa kukwaluha kwa Maswayo ani, ka kubulela kuli le ki lizazi la mafelelezo, ni kuli nako i fa kaufi. Alaba limbuyoti ze lukupa, Ndate, ka Libizo la Jesu Kreste, ni kwa kanya ya Hae. Amen.

Ha muine.

<sup>3</sup> Ni tabela kuekeza se, kuli mwahala lisebelezo kaufela ze Ni kile naba ni zona mwa bupilo bwaka, Ni lumela kuli sunda ye ibile yende hahulu mi yekanya mwahala lisebelezo za bupilo bwaka kaufela. Hakuna taba ka ze Ni bile... Ni boni limakazo zetuna ha li ezahala, eni sha, sapili, ni isebelezo za foliso, kono ya fitelela zeo. Iibile iliňwi ya linako zetabisa hahulu, ku za mwa bupilo bwaka, za kuba mo. Ni kubona tabernakele yenyinyani haiba ni mubonahalelo usili; ha ki seo fela, kono za mwahali lilwezi mubonahalelo usili!

<sup>4</sup> Mi, cwale, Ne ni sweli kubuza Billy; na liyehile hahulu ku to ni nga, kuli ato ni shimba. Na bulela kuli nekuna ni sikwata sesiňwi se ne si kolobezwa. Mane, seli kufitelela mwanda, mwa sunda ye, ka batu baba kolobelizwe ka Libizo la Mulena luna Jesu Kreste. Kacwalo, lu-lu itumezi. Mi Mulimu ami fuyole!

<sup>5</sup> Mi, cwale, haiba hamuna keleke kwa kuya kwa lapa, lwa mi mema kwanu, kuli mu to lapela ni luna. Muhupule fela kuli keleke i kwaluhile. Luna ha lu kopano, mi Ni sepa ni kukolwa kuli haiba kuba fateni kopano. Ki bulikani fela koo baana ni basali, ni bashimani ni basizana, bakopanela kupotoloha tafula ya Mulimu, ni kuikola Linzwi, mi luba ni lika kaufela zeswana.

<sup>6</sup> Cwale, mi luna ni mulisana yomunde, muuna wa Mulimu sakata, mi Ni itumezi luli ka seo. Haiba muka hupula, pono, seli mwaha ofelile, yakuli Sico ne si bulukile mwa sibaka. Mi yeo luli ki niti. Mi luna...

<sup>7</sup> Luna ni sibaka cwale, sesituna, sa litopa za la sikolo sa la Sunda, za batu mwa lilimo zeshutani kaufela, mi luitumezi hahulu luli ka kolo yee. Kuna ni baba bulezi kuli, nako yeñwi, kuli kambe neba kabanga ni litopa za sikolo sa la Sunda ko bakona kuisanga bana ba bona. Cwale, mina, bana ni sona cwale. Kacwalo, cwale, kacwalo mutahe fela mu to banga ni luna haiba hamuna keleke ye mipaka.

<sup>8</sup> Kakuli, haiba muna ni keleke yende ko muyanga, mi teñi bakutaza Evangelí, ni zeñwi cwalo, kupalañi seo—seo ki sikuwata fela sesiñwi sa luna, mwa bona, sesiliteñi kokuñwi. Kono haiba hamuna lapa, mi mubata . . .

<sup>9</sup> Ni utwisisa kuli babañata nyana bibile, ba tutile kuzwa kwa libaka zeñwi za naña, ku toeza ye kuba keleke yabona ye ba konka. Mi kaniti lwa mi amuhela kwanu kwa Linzwi la Mulena. Mi Na hupula, Na sepa, ha Ni ya, Ne ni mi bulelezi kuli—kuli lisebelezo, kuya ka mo Ni zibela, nelikaba kwanu kwa tabernakele.

<sup>10</sup> Ha ni zibi kuli ki zekuma iai zeo Mulena ani bulukezi kwapili. Ni sepa kuli kwa lizoho la Hae, isiñi za kuinahanelia kamba nto isili fela. Ni libelezi fela, zazi ni zazi, kuli Yena ani zamaise kuliba kwa sibaka ko Ni kona kuba hande mwa sebelezo ya Hae. Mi ha Sa felize ni na, kipeto Ni sepa kuli Uka ni amuhela kwa Hae, mwa kozo.

<sup>11</sup> Mi, cwale, Ni itumezi hahulu kwa swalisano ya sicaba sa tabernakele yee. Sina Billy hana ni bulelela sunda ye, kuli, Ni sepa kuli, lapa ni lapa lelina ni baba liyemela mo mwa tabernakele kuna ni alimuñwi wa bona. Ba kwalula, mandu a mina ni libaka, ni kuamuhela batu babasina sibaka kwa ku ya. Cwale, zeo ki likezo za Bukreste bwa niti. Mi malapa amañwi ana ni mañi ni mañi mwa makozwana alikani kai ni kai ko bakona, kuli ba fumanele sicaba sa bona kwa kupila.

<sup>12</sup> Kakuli, ye ibile nako yetata luli, bakeñisa taba ye, ki mufuta wa silikani cwalo sesisweli kuezahala, ka za lipapali za lifasi, mufuta wa papali ya basketball kamba nto yeñwi, ni—ni libaka za malobalo ne lififezwi kale. Kubeya fateni sikuwata sesituna kuzwa kwa . . .

<sup>13</sup> Ni sepa kuli, babaliteni mo mwa keleke nyana ye, ki, litolopo ze twenty-eiti kamba mashumi amalalu zekopani mona mwa keleke mo, ku zusa kwateni linaha zepeli za kwande, kacwalo, mi ye ki ancafazo yelikani. Kacwalo, seo silwala sibaka nyana mwa kuina, kasibili. Mwa ziba za . . .

<sup>14</sup> Ne ni sweli kubuza kacenu, ni batu babañwi. Se nili, “Ne ni utwile kuli ne kusina babañata hahulu ba mwa Jeffersonville mwahali, mwa mukopano.”

<sup>15</sup> Yomuñwi abulela, ali, “Ha lukoni kukena mwahali.” Kihande, sani, sani neli sona. Lani neli lona libaka. Babañwi ba

mapokola, ni babañwi cwalo, neba bata kutaha mwa mukopano, kono bali, ne basweli kuambola fande, bali, kono habe batile bapalelwa kukena mwahali, kuti ne kutezi kale neba nako ya kukena isika kwana kale. Kacwalo nebana ni nako yabona, mwendi, kasamulaho cwalo, mi ba palelwa kutaha. Konakuli cwale batu basweli kuzwa kwa libaka zeñwi, konakuli lu itumezi luli.

<sup>16</sup> Cwale, Ha ni zibi. Nto yetatama ye ka latelela se, ikaba Litolombita Zesupa, mwa liñusa leliñwi. Kono, mwa Maswayo, handende lika kaufela liteni mwateni. Masika a likeleke atile mwateni, mi lu abeile mwateni pili, ili zeneli za—zeneli za butokwa luli, kono haila...ka nako yani. Cwale, kukwaluha kwa Maswayo ko kuya Keleke cwale, ni mo I yo feleta. Mi cwale, Na sepa, Ndate yakwa Lihalimu ubile ya sishemo kuluna, ka kulu lumeleza kubona ze lunani.

<sup>17</sup> Mi Ni bulela cwana, ka kutilima fa litaba ze ne Ni kutilize fateni, mwaha yeñata ñata koo, Ne ni kena fela mwahali inge ni bulela zene Ni nahana kuli li lukile, ni kuzwelapili ona cwalo. Neli nzila ya kzwa mwa sikuka. Mi cwale, kaufela ona ki Maswayo, Ne ni kutilize fateni mwendi ka mizuzu yemashumi amabeli cwalo, kaufela zona. Bapahami babane ba lipizi, ba Sinulo, Ne ni ba kopanyize kaufela mi nali, "Pizi yapiyi yene ile neli yesweu," Se nili, "mwendi yani ki—ki—ki lusika lwapili. Mi pizi yetatama yeneile mwa tala," ni kushetumuka ona cwalo. Kono, mawi, Linzwi ha li yo kwaluha luli, Neli limaili ze mwanda kwahule hule kuzwa kuzona.

<sup>18</sup> Kacwalo, si luhapeleza kutona ni kulibeleta. Mi mwendi ikona kuba ka nako ye yakueza cwalo. Kwa kona kuba lika zeñata ze bulezwi, zebasike kulumelelana ni zona batu babañwi. Kono Na lumela, nako yetuna ya mafelelezo haika taha, mi lukatanyeza Mulena luna, mu ka fumana kuli Ne li lukile. Eeni, sha. Zona—Zona—Zona luli kona mo liinezi.

<sup>19</sup> Cwale, batu baba zwelela kwande a tolopo, ni kwa libaka zeshutana, batahangwa kuzwa kwa litolopo zeshutana ni linaha lisili, Na i tumela luli kwa busepahali bwa mina ka kuzamaya misipili yamina kaufela, ni kunga lipumulo za mina. Mi babañwi ba bona mane habana neba libaka kwa kuina! Na—Na ziba, kakuli Ne ni sweli kutusa babañwi kwa kufumana sibaka kwa kuina. Basina neba masheleñi aku itusisa kuza kuca, kamba sika kaufela, mi kacwalo...mane neba kutaha, kamba cwani kaufela, balibeleta se si ka ezahala, kuli ba fumane tuso. Kono ka tumelo yetuna cwalo ku zona, kuli hakuna taba kamba baka ina basina lico, kamba neba sibaka kwa kuina, babata kutaha kuto utwa ona litaba zeo, ze ezahalile, ni hakuli cwalo. Boo luli kwateni bundume, mwa ziba. Mi mañi ni mañi kaufela babile ka kuyema hande-nde!

<sup>20</sup> Ni katani muzwale bo-mulamu kwani, yanali mu—mu . . . ki yena yana yaha keleke ka masitina, ni zeñwi cwalo. Mi Ne ni mu bulelela mo ne Ni itumela kwa musebezi. Ha ni—hani muyahi wa sitina, kamba neba kuziba sika ka zona. Kono Na ziba kona yelikanelela mo iinezi, ni kuli haiba i yahilwe hande.

<sup>21</sup> Mi ki hali, “Ni ka ku bulelela.” Ki hali, “Kwali kuba kube nako ye cwalo, fateni, fomukile mwabona swalisano yende cwalo mwahala baana, kaufela ha ba sebelisana hamoho.”

<sup>22</sup> Muzwale Wood, Muzwale Roberson, ni mutu kaufela baipeile mwa libaka za bona, ni lika kaufela. Mi muzwale yana—yana beile lilimba, ni . . . Ni talusa mwa libaka mwa kutinela liapalo ni lika kaufela, mwa keleke. Se bali, “Lika kaufela libelekile fela hande.” Ha ba tokwa sika, kuna muuna ya ka yema kuli a sieze. Kacwalo ki . . . Mulimu u mwa tukiso kakutala. Lu itumezi hahulu ka seo.

<sup>23</sup> Buñata bwa batusi ba masheleñi babatuna mwa keleke, babtusa kukeza cwalo, babaswana inge Muzwale Dauch ni Kezeli Dauch baba inzi faa, ni babañwi babañata baba tusanga masheleñi ka butuna kwa musebezi wo. Mi Ni sepa kuli, ka yona nako ye, hakuna ze ba tonda mi kaufela za lifiwa. Kacwalo luitumezi hahulu ka seo.

<sup>24</sup> Muhupule, ki keleke ya mina, kakuli u mutanga wa Kreste. Mi kona ze i yahezwi fa, ki munyako o kwaluhile kueza batanga, ni batanga babali kale batanga ba Kreste, kuli batahe ni kuikola mwa kopano ya Jesu Kreste. Mi lubata kuli muzibe kuli mañi ni mañi u amuhezwi.

<sup>25</sup> Mi cwale ha muni utwa linako zeñwi, mwa nako ya tozo, ka mufuta wa kuwisaka ni kushandaula kopano, Hani—Hani talusi kuba ya lwanisa mulisana wa mina, kamba kulwanisa muzwale waka, kamba kezeli, mwa keleke. Kakuli, kasamulaho wa zeo kaufela, Mulimu una ni batu mwa kopano ifi kaufela yeliteni. Kono Ha amuhelangi kopano; U amuhelanga mutu yafumaneha mwa kopano. Mi ni . . . Ha si lwali kopano.

<sup>26</sup> Kabakaleo, batu ha ba tameha hahulu kwa kopano, kipeto habakoni kubona sika sisili kwanda se ibulela keleke yeo, mwa bona. Mi seo sitisa kuikaba mwa kopano ni babañwi, mi ki mulao wa sa lati Mulimu, mi ki katengo ka lifasi kaka si ka tomiwa ki Mulimu.

<sup>27</sup> Kacwalo, cwale, Ha ni talusi neba mutu alimuñwi mwateni. Katolika, Majuda, kaufela seo akona kuba sona, kamba—kamba Methodist, Baptist, Presbyterian, kopano ifi kaufela, hakuna likopano, mi—mi ze si likopano, ni zeo kaufela, Mulimu una ni bana ba Hae babainzi teñi mwani. Mwabona? Mi linako zeñata Ni lumela kuli babezi mwani ka mulelo, kuli b monyehe Liseli, ba hohele kwande baba lelezwi kale kwa bupilo mwani kai ni kai. Mi—mi ka lizazi lelituna lani, lu ka bona cwale, Keleke ya Mulena Jesu Kreste lu ka bizezwa kwa—kwa mukopano omutuna

mwa mbyumbyulu, mi kamukana luna lu ka yo Mu katanyeza. Mi Ni—Ni libelezo ona hola yeo.

Cwale, kuna ni zeñata hahulu zekona kubulelwa!

<sup>28</sup> Mi busihu boo, ka ku feleleza, busihu bwa kukwala, sina hañata, mañi ni mañi una...Mwa sebelezo ya foliso, Ni fumananga kuli, mwataswa tibelelo ya lika zetuna zelukela kuezahala mwa sebelezo ya foliso, kona zetisanga nyungano, kui kalelwa. Mi cwale Ni fumana, nto yeswana busihu boo, yeo mañi ni mañi umwa tibelelo ya kubona kuli...Mi busihu ni busihu, kubanga ona cwalo, kwa ku kwaluha kwa Maswayo ani.

<sup>29</sup> Cwale Ni bata kueza taba ye i utwahale hande. Nako ni nako, ka nako kaufela yeo Maswayo a nataha mwa sibaka; lika kaufela zene Ni lumela ka Ona, mi ze ni balile kwa batu babañwi, libile ka kushutana ni zene tile kuna mwa muzuzu wa ndu wani.

<sup>30</sup> Mi ngana yaka, ka nako ye...Libaka lene nibezi ni sebelezo ya foliso yani kakusasana kacenu, kakuli ngana ya butu bwaka se ishutanelia kwahule ni kunahana kwaka. Ni likile kuina mwa—kuina mwa sibaka ni mahaulo inge ni hohezi masila mwatasi ni liseli inge lituka. Le ki lizazi la bueiti. Mane ne ni sa keni neba mwa mota yaka, kuya—kuya kai kamba kai.

<sup>31</sup> Neni na ni kuya ni mizwale yemiñwi, kwani kwa makamba, ku yo nyatela mapampili, ni lika zeñwi, kaza masheleñi ni litaba zeñwi ze ne kalimilwe ki keleke. Kono Ni—kono ha Ni tile kuzwa kwani, mi na yo kenelela fela mwa kubala.

<sup>32</sup> Mi nto yenca, hakuna neba mutu alimuñwi yana bulezi sika. Kamba, hañata, ba ngongotanga, ni kuhoha, ni mwa libaka za fakaufi. Ha ku si kaba neba nto iliñwi. Ibile lika zeipitezi.

<sup>33</sup> Kone ni sweli kuca, kubaha Woods. Hañata sibaka sani sa talanga limota. Mi nebana ni batu baba eiti kamba lishumi ba bashutana bene bataha kuli baine ni bona ka nako yee, mi hakuna neba alimuñwi wa bona yanatile.

<sup>34</sup> Mi cwale, kakusasana wo, Hanina kulibala kakusasana wo, sishemo sa Mupulusi wa luna ku mutanga Hae ya katezi, ya botehile. Kanti, Hane ni alaba puzo ya mutu wa mubotana, mi, kuya ka mo ni zibela, ne nahana kuli Ni ezize hande. Mi, hañi hañi fela, inge kuli Ne—Ni amuhile mwanana sika, Na nyaziwa hahulu, mi ne ni sa zibi kuli ki sikamañi. Mi Na nahana kuli, mwendi ka kuba kuli Ne ni sweli kuikataza kuli ni ye kwa sebelezo ya foliso yani, mwendi kuna mutu ya kula hahulu, yana lukela kulapelelwa ka nako yani. Mi Na buza sicaba mwa puteho. Mwa mizuzu yelikani, za patululwa. Mi yomuñwi ali, “Kana hauna kubala palo ya—ya hao hape?” kamba nto yeñwi. Mi ka nako yani, Na nopa kapepa kakalikani ni ku ka bala hape, kubona ze ne ka bulela. Natalimafafasi fa Libuka, mi kaufela zona ne lishutana, puzo yene Ni alaba. Mwabona?

<sup>35</sup> Mwendi Ni mi bulelele fela taba ye. Za Moya halitaha mwateni, ani kona maikuto a Kreste. U ba kwahule hahulu ni minahano ya hao, kufitela, mwa minahano ya hao, Na...Se, wena...Ha ni...Musike mwa eza kuli ni litoloke, kakuli Hani koni. Mwabona? Hani koni kueza cwalo. Hakuna mutu yakona.

<sup>36</sup> Kana muuna yani ukona cwani, yena Elia yani, ayeme fa lilundu fani, mwatasa kubateni kwa Pata ya Mulimu, ni kuwisa Mulilo kuzwa kwa lihalimu, mi ni pula mwa mulaho wa Mulilo? Mi ni kukwala mahalimu, mi ha i si ka nela ka myaha yemilalu ni likweli zesilezi, ni kukuta ayo biza pula, ka lona lizazi leliswana lan! Ni mwatasa tozo yani, kuli...Mi anga baprisita baba mianda yemine ni ku ba bulaya; ni kumatela mwa lihalupa, inza huwela bupilo bwa hae, bakenisa kubembiba ki musali. Mwabona? Jezabele, na konkile kuli uka nga bupilo bwa hae. Kanti, Akabe ni babañwi babona nebaliteni kwani, inge babona Pata ya Mulimu mi makazo yetuna ha iezahala. Mwabona, za hae...Moya no musiile. Mwa buino bwa minahano ya hae ya nama, na sa zibi mwa kunahanelu, mwabona. Na sa inahaneli ka yena.

<sup>37</sup> Mi, muhupule, Lingeloi la mu lobaza, ni ku mu katulusa. La mu zusa, la mufa buhobe; ni ku mu lobaza hape, ni ku mu katulusa; mi la mu zusa, ni ku mufa buhobe bobuñwi hape. Mi ha lu zibi ze ne ezahalile ku muuna yani, ka mazazi a mashumi amane. Mi ki ha hohelwa kukutela mwa liñope, kokuñwi, mi Mulimu a mu biza.

<sup>38</sup> Usike walika kutoloka zeo za Buipiteli. Haukoni kueza cwalo. Mwabona? Nto fela ya kueza, ki kuzwelapili fela. Mi Ni lika ku ikeza kuba ya utwahala hande mo Ni konela, kono kuzwa fa kuya kwapili Nika...Ni sepa Hanina ku lika zeo hape. Mu ka lumela fela ka kufelelela, kamba nee. Mi Na...Mu ka bona, kasamulaho nyana, kiñi.

Cwale, Ni likile kuba ya sephala. Mulimu wa ziba cwalo.

<sup>39</sup> Mi puzo yani kakusasana woo. Ne ni lika ku i alaba ka swanelo luli mo Ne ni zibela. Ne ni balile fela siemba sa timana, mi ne li...hakulata ne si ka luka. Kono Moya o Kenile, wa utwisisa kuli Ni...ngana yaka...Mwabona, mutualime, mazazi amabeli kamba amalalu a felile, kona zebile liezahala. Mwabona, Ne—Ne ni bulezzi kuli sebene handeleti...“sebene sauzande,” sebene handeleti. Kakusasana woo, nenii lika, mi za utwahala kwa batu, mwabona, mi zeo libonisa kuli ne mu tokomela. Cwale, nto yeñwi, fo ne Ni lika kubulela kuli “nkwilimba,” kono se Ni ibiza ngunyana; kono Na to lemuha sani kapili. Mi cwale, fa, iliñwi yene Ni si ka lemuha fani, Moya o Kenile wa fetuha mi wa ni kutiseza fateni.

<sup>40</sup> Bwani ki bupaki kwa maneku amabeli kubonisa kuli zee ki litaba za niti. Ki za...Mulimu usweli wa li tokomela, ka kubona

kuli li petahale. Yeo ki niti. U tabela ona cwalo. U tabela kuli muzibe kuli Ki yona Niti.

<sup>41</sup> Ki yena Yasweli ku Li luma, kakuli ne si . . . Neli swana fela kuna, inge ya ituta, sina mo libezi ku mina. Mi kacwalo luna ni . . . Ni itumezi hahulu kwa—kwa—kwa zibo, ka kuziba cwale za Mulena, hola ye lupila ku yona; mwabona, lupila mwa nako ya maungulo, Keleke isika ngiwa kale. Cwale fela . . .

<sup>42</sup> Lubile luambola, kona kuli ha lu Mu kupeňi fela limbuyoti fa Linzwi hape.

<sup>43</sup> Ndata luna yakwa Lihalimu, ki bo busihu bobutuna butile, hola yetuna foo taba yetuna ha i ezahalile. Ibile mwahala sicaba kaufela. Mi, Ndate, Ni lapela kuli busihu boo li zibiwe, kusina neba kukakanya mane, mwa lipilu za batu ni mwa minahano, kuli bakone kuziba kuli Mulimu u sa li fa Lubona, ni kuli U sa lata sicaba sa Hae.

<sup>44</sup> Mi ki hola, hola yeo lifasi li nyolezwi kubona, ye atumezi cwale, kakuli li lilela puluso. Lubona libupiwa ha libata ku likutisa. Lubona libupiwa ha libata ku kutisa Keleke mwa kubateni kwa Pata ya Kreste. Lwabona za mu—mu Munyaliwa hanga sibupeho, utina siapalo sa sinawenga, wa itukisa. Lwabona maseli ha sweli ku myamyata. Lu ziba kuli lu kwa mafelelezo.

<sup>45</sup> Cwale, Ndate yakwa Lihalimu, ye cwale haizwelapili ku kutazwa, kamba kuluta fa taba yetuna yee, nako yetuna luli yene eazahalile mwa Kanya, myaha ye likiti zepeli kwa mulaho, mi ya fiwa ku muapositola yomutuna ya latiwa, Joani. Mi busihu boo lu ka ambola za Yona. Lumeleza Moya o Kenile utahe cwale mwa Mata a Hae a sinulo, kuli Akone kupatulula ku luna nto luli yeo Abata kuli luzibe, sina Mw'a ezelize mwa masihu nyana afelile. Lu ipa ku Wena, ka Linzwi, ka Libizo la Jesu. Amen.

<sup>46</sup> Cwale, hamu tabela kuapula, mwendi, mwa Libibele za mina. Mi ye ki timana fela yekuswani, timana iliñwi ya Mañolo. Kono, ki timana ya mafelelezo, i fumaneha . . . Liswayo la mafelelezo, nitaluse.

Cwale, nako yefelile ne luambola fa Liswayo la Busilezi.

<sup>47</sup> Liswayo Lapili, ka kuba antikreste yana zibahazwa. Nako ya hae ne ifelile, mi luboni mwa na yezi.

<sup>48</sup> Mo ne si zibahaliselizwe Sibatana, fa Mata a Mulimu anaile ka mata a antikreste, ku yo lwanisa! Ha ni lumeli kuli kwakona kuba puzo mwa munahano wa mutu ka zona.

<sup>49</sup> Mi lufumana kuli, ki kasamulaho wa fani, lusika lwa keleke yani, Libataba zani ha ne liile.

<sup>50</sup> Haluya cwalo, lu fumana kuli, lu cincize, siswaniso ka kutala mwani, hakusana Libatana ze ne tile. Mwabona? Kono, ne li kuzibahalisa, kutaha kwapili cwalo, kukena mwa nako ya Nyandiso, kasamulaho wa kuya kwa Keleke.

<sup>51</sup> Mo ne li zamaeleta hande ka kulikaneleta mwa masika a likeleke zani! Ha ni boni neba towati iliñwi, nto iliñwi ye ne si ka zamaeleta hande, neba mwa masika ni lika kaufela, ni linako. Munahane fateni. Zeo zabonisa, kuli neli Mulimu yana li ezize. Ngana ya mutu haikoni ku utwisia zeo. Mi cwale lufumana kuli zeo, hape, luna . . .

<sup>52</sup> Mulena u lu lumelelize kunga Mañolo, ona Mañolo a Kenile, sa na bulezi Jesu kuli si ka ezahala. Mi kana neluka lifumana cwani zeo? Mi fa, wataha mi wa patulula, ni kutisa ona cwalo kaswanelo. Kutazo ya hae fani, inza i alaba, kulitisa hande kaswanelo, Maswayo a silezi, kono Na siile ya Busupa. Mwabona?

<sup>53</sup> Mi cwale Maswayo ha na kwaluhile, Mulimu, mulemuhe fa, Na siile kupatulula neba sisupo sesikana sa Ya Busupa. Mwabona? Ki kunutu yepetehile ni Mulimu. Mulemuhe. Cwale lu ka bala mwa Bibebe, mwa—mwa Liswayo la Busupa. Yeo ifumaneha mwa Sinulo, ki kauhanyo ya 8.

*Mi ha mamulula liswayo la busupa, mwa lihalimu kwa  
kuza tuu sibaka se si likana ni nako ha i pumwa fahali.*

<sup>54</sup> Mi ona zeo kona zelunani fela kuyona. Cwale lu ka lemuha.

<sup>55</sup> Mi lu ka lika ku sa ina nako yetelele, kakuli buñata bwa mina mu ka ba fa mukwakwa, hape, busihu boo, kukuta kwa malapa. Mi Ni hupuzi hape, ka kuba ni sebelezo ya foliso kakusasana cwana, ye ka mi lumeleza kuya kakusasana, haluna kulibeleta hape. Mi cwale lukaba . . .

<sup>56</sup> Mi Na, hape, Ni lukela kuya mwa musipili kwa—kwa Tucson, Arizona, ko Ni pila. Mi seli lapa laka cwale. Mi cwale Ni—Ni bata kukuta kwanu, haiba Mulena alata, hape . . . Lubasi lu bata kukuta ka mazazi nyana mwa kweli ya Mbuwana. Mi, cwale, mwendi Ni ka mi bona kwanu, mwa mukopano wa nako yeo.

<sup>57</sup> Sebelezo yaka yetatama ki kwa Albuquerque, New Mexico. Ni sepa ki la naini, lateni, ni la ilebene. Nikaba kwani la Bune ni la Bufaifi Lelinde la paseka. Kacwalo, Ne ni lukela kuba ni mukopano kaufela, mi Ni bile ni lipizo zene Ni palelwa kuya kuzona konji ka nako yani, kacwalo Ni kaba ni busihu bwa la Bune ni la Bufaifi, kwa Albuquerque, New Mexico.

<sup>58</sup> Mi cwale—mi cwale le—le litatama, lika zibwa, luka kwala, zeo likabateni hakulata. Ha lu zibi hande. Zeo ki kuba ni balikani baka ba bande, ki—ki sikwata saba *The Midnight Cry*, kwa . . . kwanu kwa Southern Pines, North Carolina.

<sup>59</sup> Mi bainzi fa mawaile kwani cwale, bao, ba lumile litlegiramu, mañusa, ni lika kaufela, ni kutaha bukaufi cwana, kwa sikwata sesiñwi, kwa Little Rock; kwa sicaba sa ba Jesus' Name bo ne Ni bile ni bona mwa mikopano, kwa Cow Palace mumbi yefelile. Basweli kuba ni mukopano wabona kwa Little Rock, Arkansas. Mi ba bile cwalo, kuzwa ñohola, neba bata kuba

ni masihu amañata nyana isiñwi bulibuñwi fela. Kamba, ne ba bata kaufela yona, kono mane ne ba itukiselize kuekeza fateni busihu bobuñwi hape. Mi kacwalo Na ba bulelela, ni sa zibi fela za kueza, Na bulela kuli neba lukela kuli bapaza, “mo ne kuna bela.” Kona ba ka li zibahalisa kasamulaho nyana.

<sup>60</sup> Kana u lizize? Uh-huh. Ku lukile. Kuti cwani? [Muzwale uli, “Hot Springs.”—Mu.] Hot Springs, nji cwani? Ne ni lyanganehile. [“Twenti-foo.”] Twenti-foo ya...[“Kandao.”] Kandao? [Yomuñwi uli, “Twenti-foo kuisa la twenti-eiti Mbuwana.”] Twenti-foo kuisa la twenti-eiti Mbuwana. Cwale li zibahalisizwe, “Kamo liswanelu kubela,” zeo ki kuli, “haiba ki tato ya Mulimu.” Mwabona? Nika . . .

<sup>61</sup> Ki le libaka le Ni tabelela kueza litaba zee. Mu ka ituta zona kasamulaho nyana, cwale, mwabona. Ha Ni ya kwa sibaka sesiñwi, Ni tabela kuhatanga mahutu aka kwani, ka kuziba kuli ki Mulimu ya bulezzi kuli, “Zamaya kwani.” Mi cwale haiba sila sitaha kai kamba kai, Ni li, “Ntile kwani ka Libizo la Mulena Jesu. Zwa fela mwa nzila!” Mwabona? Mwabona? Mwabona? Mi muka—muka ziba, mayemo amina, mwabona. Haiba ki Yena ya ku luma kwa sibaka, Uka ku babalela. Mwabona? Kono haiba utaha, ka kuakaleza fela, fohe kipeto Hanisa ziba; hakulata mane Hayo kwateni. Kacwalo Ni—Ni bata kuba yaziba hande mo Ni swanelu kubela. Ni ngile lika zeñata za Na si ka ni bulelela kunga, kono Ni—Ni tabela kuba ya ikolwisia hande ka swanelo. Mulena ami fuyole kaufela cwale.

<sup>62</sup> Cwale, cwale lwa lumeha, se kakuba fela timana iliñwi fa, lu tabela kueza sika fela hanyinyani—hanyinyani fela pili fa. Mu lemuhe, lutulile kauhanyo yabu 7. Kauhanyo yabu 6 ifeleta ku la Busilezi, Liswayo la Busilezi. Kono, mwahala Liswayo la Busilezi ni Liswayo la Busupa, kuna ni se si ezahala. Mwabona? Mi kamo—kamo libeezwi ka swanelo mwa liaka zateni luli, mwahala, kauhanyo ya 6 ni ya bu 7. Cwale mu lemuha mwa kauhanyo ya 7, lu lemuha kuli, mwahala yabu Sikisi ni Sebene, kuna ni nako. Nako nyana, mwahali, a kauhanyo ya 6 ni 7 ya Buka ya Sinulo, mi ki mwahala Liswayo la Busilezi ni la Busupa ka yona nako yefilwe yee. Cwale lubata kulemuha nto ye. Ki nto yabutokwa kuli yeo lufumana mwa nako nyana yee.

<sup>63</sup> Cwale muhupule, kasamulaho wa kauhanyo ya 4 ya Sinulo, Keleke ya ngiwa. Kasamulaho wa—wa bapahami babane ha se baile, Keleke i ngilwe. Mwabona? Lik a kaufela ze ne ezahalile kwa Keleke, ne li ezahalile kufita mwa kauhanyo ya 4 ya Buka ya Sinulo. Lik a kaufela ze ne ezahalile mwa muzamao wa antikreste, ku yo punya mwa kauhanyo ya 4. Mi Liswayo la Bune la Sinulo, bubeli bwa antikreste ni Kreste, ba fela. Mi antikreste utaha kwa sinyeho ya hae, ni mpi ya hae; mi Kreste utaha ni mpi ya Hae.

<sup>64</sup> Ki ndwa ya kale yene kalezi koo, nako isika kalisa kale. Mi cwale nebali... Satani ni mangeloi a hae na lelekezwi kwande, mi cwale ba taha mwa lifasi. Mi ndwa ya kolota hape, kakuli Eva na tulile museto kusilela kwabuse bwa na silelezwa kuona, kwa mulaho wa Linzwi la Mulimu. Mi ka yona yani, Satani awina ndwa fa Linzwi la Mulimu, kakuli alimuñwi wa batu ba Hae, ya fokola, ato kwalula likwalo. Mi ona cwalo kona mwa komezi ndwa ka nako kaufela, ibile bakeñisa sicaba sa Hae se si tuhelezi bukiti kuwelafafasi kuzwa kwa Linzwi.

<sup>65</sup> Mi ne li ezizwe mwa keleke ya lusika lwa mafelelezo loo, ka mulao wa kopano. Ili, yona keleke ya niti, ya luli, mi ye kenile ya Mulimu ya pila, ina ni mupahami wa bupumi, yanasike ku amuhela Linzwi, ni ku sikululela keleke kuzwa kwa Linzwi kutaha kwa lituto za litumelo.

<sup>66</sup> Cwale, ki ba bakai ba baziba kuli isali tuto ya tumelo yeo ba keleke ya Roma ya Katolika ba sa yahile kuyona? [Kopano ili, "Amen."—Mu.] Kana ba lumela cwalo? Kiniti. Luli. Kiniti, ba itumelela cwalo. Hakona fo lifelela foo. Ki Katolika, luli, halikoni kufilikanya maikuto a bona neba hanyinyani, kakuli ba li ziba. Ne ba ekelize fela iliñwi yenca, kwanu ha ki kale hahulu, kuli Maria na zuhile. Mwa hupula cwalo, kwanu myaha yelikani yefitile, mwendi ki myaha yelishumi. Ki ba bakai baba hupula cwalo? ["Amen."] Ki pampili, mwateni. Luli. Mwabona? Likä kaufela, tuto "yenca ya tumelo." Mwabona, kaufela zona ki lituto fela za litumelo, ha ki Linzwi. Mwabona?

<sup>67</sup> Muprisita, mwa lipuzo zene nina ni yena, na ize, "Bo. Branham," ki hali, "Mulimu umwa keleke ya Hae."

Se nili, "Mulimu u mwa Linzwi la Hae."

Kihali, "Ha lu lukeli ku kanana."

<sup>68</sup> Se nili, "Ha ni kanani. Ni bulela fela taba yateni. Mulimu u mwa Linzwi la Hae. Yeo ki niti. 'Mutu kaufela yaka zwisa sika ku Lona, kamba kuekeza sika ku Lona,' kubulela Linzwi."

<sup>69</sup> Na ize, "Kihande, Mulimu u file... Kreste u file Keleke ya Hae mata, ni ku ba bulelela kuli: kaufela sene ba ka tama mwa lifasi, si ka tamiwa mwa Lihalimu; ni seo kaufela..."

Se nili, "Yeo kwateni kona Niti."

<sup>70</sup> Ki hali, "Luna ni, fa... ka ona mulao woo, wakuli luna ni mata a kutamulula sibi."

<sup>71</sup> Mi se Nili, "Haiba uka eza mo li fezwi kwa Keleke, ni mo ne ba li ezeza, Nika li amuhela. Haiba ueza cwalo, kuna ni mezi fa, u 'kolobezwe ka Libizo la Jesu Kreste kwa swaledo ya libi za hao,' mwabona, ha ki ka mutu ya kubulelela kuli libi za hao liswalezwi." Mwabona? Mwabona? Yeo ki niti.

<sup>72</sup> Amutalimele Pitrosi una ni linotolo, ka Lizazi la Pentekota. Muhupule, una ni linotolo ze basweli kubulela fateni. Mi ba—

ba baana bali, "Mizwale ni banabahesu, ki sikamañi se luka eza kuli lupiliswe?"

<sup>73</sup> Pitrosi ali, "Mubake, mañi ni mañi wa mina, mu kolobezwe ka Libizo la Jesu Kreste" (kwa sikamañi?) "kwa swalelo ya libi, mi kona mu ka amuhela mpo ya Moya o Kenile. Kakuli sepiso i ezelizwe mina, ni kwa bana ba mina, bona babali kwahule, ni bona bao Mulena Mulimu waluna uka bina." Yeo ki niti. Kona kuli ao kona mafelelezo kuyakuile. Ku felile. Kona mo ne kuinezi.

<sup>74</sup> Cwale, kono, mwa bona, antikreste ataha mwateni, sin amo lu li swaniselize ni ku liboniseza. Ha ki sinulo ni yeo! Mawi, mawi! Ni ku itumela, myaha ye kaufela, lu liboni hanze litaha cwalo. Mi fa ki niti, ka swanelo, SA BULELA MULENA KISONA.

<sup>75</sup> Cwale, mi lu lemuha sibaka se cwale, mwahali, a kauhanyo ya 6 ni 7. Cwale, kauhanyo ya 7 ya Sinulo, kiye fa si—si...sinulo ye patulula kezahalo. Ha i si ka beiwa mwateni mwa mbango. Ha li si ka beiwa mwateni, mwahali mo, kubeela mbango. Mwabona? Li beewzi teñi ka mulelo, mi ki sinulo ye patulula nto yeñwi. Mulemuhe mo li swanelo hande ka kunutu ni ka lipalo mwa Mañolo! Mwabona? Kiniti.

<sup>76</sup> Kikuli mwa lumela mwa lipalo za Mulimu? [Kopano ili, "Amen."—Mu.] Ha u sa ezi cwalo, kaniti uka lateha...Muka lateha luli mwa Linzwi, ha mukala kubeya zene kamba ze silezi, kamba—kamba nto yeñwi, kwanda a manzwi a lipalo ze zamaeleta hamoho. Kaniti mukaba ni pono, komu yefula bucwani fahalimwa kota, kokuñwi. Kaniti mu ka mata kuzwela fande. Kakuli, Mulimu ha ezi...Linzwi la Hae kakutala li zamaeleta hande mwa—mwa—mwa lipalo zalona. Eeni, sha. Kiswanelo, ki yona swanelo luli! Hakuna buka neba iliñwi yeñozwi inge Yona, inge Yona, ikumbahalile hande mwa lipalo—lipalo.

<sup>77</sup> Cwale, ki—ki kauhanyo ya 8 fela ye patulula ppono ya mwa—pono ya Liswayo la Busupa, kokusina se si patuluzwi, cwale, hakuna. Ha li si ka patululwa mwa Liswayo la Busupa...cwale, haina sa kueza ni kauhanyo ya 7 ya—ya Sinulo. Ki kupatulula, kwa Liswayo la Busupa, lona cwale likuzize. Mi kambe Ni nani nako...Ni ka lika libaka zelikani, ku mi bonisa.

<sup>78</sup> Ku kalela kwa mulaho koo, kuzwa kwa Genese, Sebene mwa kauh—...ye kamba Liswayo la Busupa li—li—li bulezwi mwateni. Kuzwa kwa simuluho, mwa Genese, ye ki ya Busebene Se-...

<sup>79</sup> Maswayo aa akambama. Ha mu hupuli, kakusasana wo, ka kutisa litaba zee? Mi mutualime, busihu boo, ka kulishitula. Mi muka fumana kuli, halifita fa Liswayo la Busupa lani, za pumeha kwateni. [Muzwale Branham uliza munwana wa hae hañwi—Mu.] Eeni.

<sup>80</sup> Jesu Kreste, ka kubulela, Yena kasibili, ya bulezi za linako za mafelelezo. Mi cwale ha Na felize kueza... Kubulela Maswayo asilezi kaufela. Kono cwale Ha yofita ku la Busupa, A kuza. Ki leo foo, mwabona. Ki nto yetuna.

<sup>81</sup> Cwale, cwale, lu ka ambola fa cwale mwa kauhanyo ya 7 ye, fa muzuzu fela, ka—ka mukwa wa ku litamahanya hamoho mwateni, mwahala Liswayo la Busilezi ni la Busupa. Kakuli, yeo kona kalulo yeluna ni kuya ku yona, kapili cwale, yona ya Busilezi... mwahala Liswayo la Busilezi ni la Busupa, kuna ni pizo ya Isilaele.

<sup>82</sup> Cwale, Ni nani balikani babañata babande ba Lipaki za Jehova babaliteni mo, bao kaufela...kamba bababile teni. Mwendi babañwi ba bona isali Lipaki za Jehova. Kono kamita babile ba beya mwateni Bo. Russell baezize cwalo, bona baba handeleti ni fofe-foo sauzande bao, kuti yani ki Munyaliwa wa moyo wa Kreste. Mwabona? Bona... Ha ki na.

<sup>83</sup> Hasina sa kueza mwa lusika lwa keleke, ni hanyinyani. Bao kamukana ki ma Isilaele. Cwale, lu ka bala ka mwa mizuzu yelikani fela. Cwale, nako ye mwahali ye, mwahala Sikisi... Maswayo aa, u biza ni kuswaya baba handeleti ni fote-foo sauzande Majuda, ba bizwa mwa nako ya Nyandiso, Keleke ha se iile. Mwabona? Hasina sa kueza ni lusika lwa keleke, ni hanyinyani. Oh, ba bizwa, mi ka swanelo mwa kutwano ka Mañolo. Lisunda zetalu za mafelelezo za Daniele, ze filwe kwa "sicaba," sa Daniele mwabona, isiñi Bamacaba. Kwa "sicaba," sa Daniele mi Daniele nali Mujuda!

<sup>84</sup> Cwale mulemuhe, Isilaele, Isilaele ulumela fela bapolofita ba hae, mi, ha se ba pakilwe.

<sup>85</sup> Mi hakuna mwahala masika a keleke, ku kalela kwa Keleke ya makalelo ya Baapositola, foo keleke ya Baipanguli haikile yaba ni mupolofita. Mu ni bulelele kuli neli ufi, mi mu ni bonise yena. Hakuna! Nebana ni yena, mwa lusika lwa makalelo lwa baapositola, ya bizwa Agabasi, yanali mupolofita ya pakilwe hande. Kono mwa... Bamacaba ha ba to kena mwateni, mwa buswa bwa Mulimu, ni Paulusi asikuluhela ku Bamacaba. Kasamulaho Pitrosi, sina mo ne lubalezi maabani busihu, amano amuhela ku Mulena, kuli, "Na zamaisa sicaba kuzwa mwa—mwa batu Bamacaba, kwa Libizo la Hae, Munyaliwa wa Hae," mi ha ku sikaba kale, mwa makepe a litaba za kale, mupolofita wa Bamacaba. Cwale mukutele fela kwa mulaho mwa litaba za kale mutatisise. Kiñi? Kiniti, zakona kushutana kwa Linzwi. Kiniti.

<sup>86</sup> Yapili ha ne ile, neli tau, bani neli bapolofita: Linzwi.

Yetatama ha ne ile, neli musebezi, sitabelo.

Yetatama ha itaha, neli butali bwa—bwa mutu.

<sup>87</sup> Kono lu sepisizwe, mwa lizazi la mafelelezo, kuli zeo lika kutela mwa Keleke hape, ka bunde bwa ku otolola kaufela

ze kopamisizwe, ze siilwe, ze si ka eziwa, ze siilwe li si ka eziwa. Kakuli, ku bulezwi fa kuli Liñusa la liñgelo la busupa lika feleleza likunutu za Mulimu. Mi, cwale, lufitile ku Zona kaufela. Lubona kuli Za zamaeleta hande ka swanelo ni Mañolo. Kona libaka.

<sup>88</sup> Cwale, mwakona kunahana fela, mutu yoo ha ka taha? Nako ya taha, muhupule, ikaba ya ikokobelize hahulu ni lika zeñwi, kufitela likeleke ha ka palelwa ku mu lemuha kwahule hule. Mi munahane fela, likeleke, li sa li mwatasa baongaongi ba sizo, kuli nebaka amuhela mupolofita yazwa ku Mulimu, ya na ka lwanisa lituto zabona ni likopano?

<sup>89</sup> Cwale, kuna ni fela mutu alimuñwi yakona kutaleleza zeo, ki Moya fela ulimuñwi okile wa ba mwa lifasi, o Ni ziba. Ikaba yaba kuli . . . I lukela kuba Elila, mwa nako ya hae. Mi ne ku bulezwi kuli ikana yaba cwalo, isi lika zeñwi kwanda Moya wa Kreste.

<sup>90</sup> Mi Kreste ha taha, Nali mutalelela. Na li Mupolofita. Na li yena—yena Mulimu wa bapolofita. Mwabona? Mwabona?

<sup>91</sup> Kreste, amu talime mo ne ba Mu toezi. Kono Ataha ona cwalo sina Linzwi mo ne libulelezi kuli Uka taha. Kono ka kuba kuli Nali Mupolofita, ba inyefulela kwahule ni Mubuso wa Mulimu, ka pizo ya Moya wa Mulimu, ono sweli kulemuha ni zeñwi cwalo, “moya o masila.” Bali, “Na li—na li mulauli, kamba dimona,” kona cwalo.

<sup>92</sup> Mulauli ki dimona, mwabona, moya wa diabulosi. Kiniti. Kana mwa ziba cwalo? [Kopano ili, “Amen.”—Mu.] Kiniti. Kulaula ki kubulela ka kulikanyisa mupolofita, ili kunyefula luli fapila Mulimu.

<sup>93</sup> Cwale mulemuhe. Abizwa, mwa tamahano yende ya Mañolo, a lilimo zetalu ni licika za Daniele.

<sup>94</sup> Mulemuhe, mulumeli wa Isilaele—balumeli ba bulelewla fela, mwa Testamente ya Kale, kuli balumele bapolofita ba bona kasamulaho mupolofita amano pakiwa. “Haiba kuna ni alimuñwi mwahala mina, yali wa moya kamba mupolofita, Na Mulena Wa. . . . Mulimu wa hao Nika itibahaza ku yena, ni bulele kuyena ka lipono, ni ka litolo, kutoloka litolo.” Mutu hana ni tolo, mupolofita uka kona kuitoloka. Mi haiba—haiba una ni pono, u ka i bulela. “Nika itibahalisa kuyena na Kasibili mwa lipono ni mwa liltolo, ni itibahaze na Kasibili. Mi haiba za bulela li to ezahala, kipeto mu utwe mupolofita yoo, kakuli Nina ni yena. Haiba ha li ezahali, kipeto musike mwa musaba neba hanyinyani.” Eehe. Yeo ki niti. “Amuzwe kuyena, mumu tuhele fela yoo, mwabona.” Cwale zeo ki . . .

<sup>95</sup> Cwale, Isilaele kamita ukana a lumela cwalo. Mi kana ha muboni cwalo? Kakuli kiñi?

Cwale Ni bata kuli mulemuhe tuto ye hande, busihu boo, cwale.

<sup>96</sup> Kiñi? Kakuli, yeo ki taelo yezwa ku Mulimu, ku bona. Hanina taba kamba ki libuka zekai ze ba ka nga ni ku hasanya Bamacaba. Hanina taba kamba uya hakai kwa Isilaele ni Bibele mwa liñafwa la hao, inge ubonisa *se, sani*, kamba *sesiñwi*; hakuna ze ba ka amuhela kwanda mupolofita. Yeo ki niti luli. Kakuli, mupolofita kiyena fela anosi yakona kunga Linzwi le Lipahami ni ku Libeya mwa sibaka sa Lona, ni kuba mupolofita ya pakilwe. Ba ka li lumela. Yeo ki niti.

<sup>97</sup> Sina hane ni ambola ku Mujuda kwanu kwa Benton Harbor, fani John Rhyn, hanali sibofu bupilo bwa hae kaufela, mane, a amuhela kubona kwa hae. Ba ni isa kwani, kwa ndu ya David. Mi muluti yoo ataha ni mulelo wa hae o mutelele. Ki hali, “U zusa kai mata ofile meto John Rhyn kuli akale kubona?”

Se nili, “Ka Libizo la Jesu Kreste, Mwan’ a Mulimu.”

<sup>98</sup> Ki hali, “Kusike kwaba cwalo kuli Mulimu una ni Mwana!” Mwabona? Mi ki hali, “Mina batu hamukoni kupumaka Mulimu mwa liemba zetalu ni ku Mu tambeka ku Mujuda. Kueza Balimu babalalu ku Yena; mu sikuwata sa bahedeni!”

<sup>99</sup> Se nili, “Ha ni Mu pumaki mwa likalulo zetalu.” Se nili, “Muluti, kana ikona kuba nto yenca kuli u lumele alimuñwi wa bapolofita ba mina yana bulezi . . . ze fosahalile?”

Ki hali, “Bapolofita ba luna ha ba bulelangi mafosisa.”

Se nili, “Ki mañi yana ambolwa mwa Isaya 9:6?”

Ki hali, “Ki Mesia.”

<sup>100</sup> Se nili, “Cwale, Mesia ukaba Mupolofita-Mutu. Kana ki cwalo?”

Ali, “Eeni, sha. Ki cona.”

<sup>101</sup> Se nili, “Ni bonise fa na li mbwinjelize Jesu.” Ki hali . . . Se nili, “Uka bizana cwani yena Mesia-Mupolofita yo ni Mulimu?”

Ki hali, “U kaba Mulimu.”

Se nili, “Yeo ki niti. Cwale u kumbile hande ka swanelo.”

<sup>102</sup> Kacwalo aku nituse, Mujuda yani ayema fani ni miyoko yabuba fa malama a hae, ali, “Ni ka ku teezea hande nako yeñwi.”

Se nili, “Muluti, wa lumela cwalo?”

<sup>103</sup> Mi ki hali, “Talima,” ki hali, “Mulimu wakona ku zuseza Abrahama bana kwa macwe aa.” Na ziba kuli na limwa Testamente ye Nca.

Se nili, “Muluti, Muluti! Cwale kucwani ka zeo?”

<sup>104</sup> Ki hali, “Haiba Ni kutalize cwalo, Neni kaba kulo kwani,” mwa ziba ko kuinzi sibaka sa bona kwani fa lilundu fani, “ona kwani mwa mukwakwa, inge ni kupelela sinkwa.”

<sup>105</sup> Se nili, “Kihande ni be kwani inge ni kupelela sinkwa.” Mujuda u sa beile mazoho a hae fa masheleñi, mwa ziba.

Mwabona? Mwabona? “Neni ka tabela kuli . . .” Ni libizo la hae mwa gauda, ku za . . . Se nili, “Ne ni ka tabela kuba kwani, inge ni ca mañende a mukele ni kunwa mezi a mwa mpako, kono inge Ni ziba kuli ni inzi mwa buiketo ni Mulimu, ni kuba wa niti; kufita Hane nikaba kwanu ni libizo laka fa muyaho wani, mwa litaku za gauda sina cwalo, ni kuziba kuli Ni inzi kwahule ni Mulimu. Na ziba cwalo.” Na si ka ni teeleeza ni hanyinyani, kacwalo aikela.

<sup>106</sup> Kono kona cwalo. Hamukoni kushabaka Mulimu mwa liemba zepeli kamba zetalu, zebizwa “Ndate, Mwana, ni Moya o Kenile,” ni kueza Balimu babalalu ni ku ba tambeka Mujuda. Mulao wa hae ki kuli, “Usike wa ba ni balimu basili fapila Ka. Kina Mulena Mulimu wa hao.” Kanti Jesu na bulezsi sikamañi? Jesu naize, “Utwa, Wena Isilaele, Kina Mulena wa Mulimu wa hao, Mulimu alimuñwi.” Isiñi babalalu; hamukoni kubafa zeo. Batili. Hakuna mupolofita yakona kubulela ka Balimu babalalu. Batili. Hakuna ze cwalo. Hamuna kuutwa ze cwalo. Batili, sha. Zeo ki za kwahule ni buhedeni sina ko lizwelezi. Eeni, sha.

<sup>107</sup> Mulemuhe. Kono bapolofita bao baka taha. Isiñi zeo fela . . . Ki—ki bapolofita, cwale, ki Sinulo 11. Lu balile yeñwi ya zona. Mi Ni bata kuli muibale hamunze muituta, fa matepu ni zeñwi cwalo. Bao ki bapolofita luli baba pakilwe, ka sisupo sa bapolofita. Kona foo Isilaele uka utwa zeo.

<sup>108</sup> Cwale, ku mina, balikani baka ba Lipaki za Jehova, mu utwisise cwale kuli ba, ba handeleti ni fote-foo sauzande, habana sa kueza ni Munyaliwa. Hakuna neba Liñolo lelikana le li yemela zeo. Batili, sha. Ha ki bona. Bani ki Majuda. Baketwa baba bizwa ka nako ya lisunda zetalu ni licika za Daniele. Cwale zeo ki . . .

<sup>109</sup> Ni—Ni zwelapili kubulela litaba ze. Hani li buleli fela ku mina mo, kono, mwabona, sicaba, matepu a aya kai ni kai, mwa bona. Mi mwa utwisisa cwalo. Mwa ni utwanga ha ni likutakela. Kona libaka leo.

<sup>110</sup> Mulemuhe. Cwale mubone mo ne babezi cwalo, bubofu, kana mwabona mo ne ba ezelize . . .? Jesu, kamba, Mulimu na foufalize Majuda, kuli basike ba lemuha Jesu. Kambe ne ba ka ziba, kambe ne ba ka ziba kuli . . . Kakubona sisupo sa Na ezize, kambe ne ba kaba mwa buino bwabona hande, inge mo ne babezi mwatasa mulao fani Mulimu aba laela ka za mupolofita, mi ba bona Jesu haeza cwalo, neba bulela kuli, “Yoo ki yena Mesia.” Neli sikamañi seo?

<sup>111</sup> Babali mwa lusika lwani, be mabizo abona na ñozwi mwa Buka ya Bupilo ya Ngunyana, baapositola ba Hae ni babañwi cwalo, ba libona ni ku li lemuha.

<sup>112</sup> Kiñi babañwi ba bona hane ba sika libona? Mwabona, neba foufalizwe. Ne ba sa liboni. Ha ba liboni, ni cwale. Mi habana ku libona konji ha sa pepilwe kuba naha, ka nako iliñwi. Zeo halikoni ku . . .

<sup>113</sup> Linzwi halikoni kupalelwa. Muhupule, Linzwi halikoni kupalelwa. Hanina taba kamba una ni maikuto amakai, ni ze ezahala kaufela, kono ni cwalo Linzwi lani ha likoni kupalelwa. Likaba ona cwalo sina Mulimu mwa bulelezi kuli libe. Mwabona? Cwale, lu lemuha kuli lika ze li ka ezahala.

<sup>114</sup> Mi leo kona libaka hane ba si ka lemuha Jesu nako ya Na itibahalisa Iliyena kuba Mupolofita.

<sup>115</sup> Neba musali—musali nyana yani wa Musamaria na yemi fani fa siliba. Na sikaba kale mwa Samaria; Na ile fela kwani, ali Na na ni swanelo yakuya ka nzila yani, mi Aya kwateni cwalo. Mi kiyani fani musali yomunyinyani nali fani. Mi yena, mwa naha ya habo, nali mwa mayemo amande kuli a amuhele Evangeli kufita baprisita ba bulapeli bani ni lika za lizazi lani. Musali a peta. Kiniti. Cwale, mwabona?

<sup>116</sup> Kono, fapila kuhana kwa bona kaufela, kanti muuna alimuñwi wa bona ya ishuwile aitumelela kuli neba ziba kuli Nali Muluti ya zwa ku Mulimu.

<sup>117</sup> Ne nisweli kuambola ku alimuñwi wa madokota babande luli ku babaliteni kwani kwa litolopo za kwa mboela zani, mwa ofisi ya hae, ha ki kale hahulu. Muituti wa luli caziba mwa Louisville, muuna sakata luli. Mi Na li ku yena, Na li, “Dokota, Ni bata ku kubuza puzo.”

Ki hali, “Ku lukile.”

<sup>118</sup> Na li, “Ni talimile sisupo sa za milyani sa hao, ona mulamu. Una ni noha yeitatelize kwa musumo. Si yemela sikamañi seo?”

Ki hali, “Ha ni zibi.”

<sup>119</sup> Mi se Nili, “I yemela se: neli sisupo sa foliso ye Pahami, fani Mushe ha na pahekile noha ya kopa mwa lihalaupa, mwabona, yeneli fela sisupo, sisupo fela sa Kreste wa niti.”

<sup>120</sup> Cwale, kacenu, milyani ki sisupo sa foliso ye Pahami. Neba inge babañata ha ba li lumeli, madokota ba niti ba li lumela. Kono babañwi ba bona ha ba lumeli. Kono sona sisupo luli se ba sweli sipaka Mata a Mulimu Yamata kaufela, kamba babata kulumela cwalo kamba nee. Mwabona? Yeo ki niti. Ki yeo foo noha ya kopa inge i nyendaela fa musumo, fa sisupo sa lipatela.

<sup>121</sup> Cwale mulemuhe Majuda baa. Cwale, mayayu a bubofu nali mwa meto a sicaba see. Bona, nebasina mwa kuezeza; naliteni kubona, mi ki Mulimu yana abeile mwateni. Mi akaba ona cwalo kufitela lusika lo ba sepisizwe, bona bapolofita babataha bao. Mwakona kuluma bakutazi, mwakona kueza kaufela ze mubata kueza; Isilaele haana kubaka konji bapolofita bao ba bonahale mwa sicaba, mi foo ikaba kasamulaho wa Kuungelwa kwa Keleke ya Bamacaba.

<sup>122</sup> Kuswana inge lusika lwa tozo ya komu ha ne lusike kuamuhela pizo ya tau, kakuli Mulimu ubulezi mwa Linzwi la Hae kuli Moya wa komu kona ono beleka. Mi ni mwa

lusika lwa baongaongi, ki mutu ya na lumilwe. Mwabona? Mulukela fela . . .

<sup>123</sup> Kona nto fela inosi yeo muna . . . bakona kuamuhela. Yeo ki . . . Mi, mwahali mwani cwale, ba foufalizwe. Kona fela zeliteni ku zona. Cwale mulemuhe.

<sup>124</sup> Kono lusika lwa taha foo Bamacaba ha ba ka fela. Kuna ni kota, mi mibisi neli ya Sijuda, mi ba bulaiwa; mi Bamacaba ba kenyiwa mwateni, “mutai wa mwa naheñi, wa kota ya olive,” mi isweli kubeya muselo wa yona. Cwale, Munyaliwa yani wa Bamacaba ha ne ilemilwe, kota ya Munyaliwa ye Ni ambola kayona, mi angelwa kuya Fapila Mulimu; Mulimu uka ba feza Bamacaba baba sa lumeli, kwa neku la kwanu (mwalanjo ya lobezzi), ni ku mu kenya mwateni hape. Na sepisize keza ona cwalo.

<sup>125</sup> Mi konji ka nako yani, mu lukela fela kuziba fo muinzi . . . Haiba wa ziba ko uya, kihande, ku lukile. Haiba ha uzibi, kiñi, uka i cuncula mwa lififi.

<sup>126</sup> Cwale, foo kona Majuda fo ba ka bakela, ka nako yani. Cwale, sina lusika lwa keleke, mwatasata mata a sepiyo ye tozizwe, ba ka amuhela Kreste; kono, cwale, isiñi fo Bamacaba ha ba sa laliteni. Cwale lubona mufuta wa liñusa leo bapolofita bababelli ba, bona ba Sinulo kauhanyo ya 11, ba ka kutaza. Cwale mwa kona kubona hande se ba ka eza. Kakuli, bo masiyaleti, kamba bona ba handeleti ni fote-foo sauzande, baba lemuhilwe kale, ba amuhela Liswayo la Mulimu.

<sup>127</sup> Ha lubaleñi fela. Cwale muteeleze katokomelo cwale. Cwale Ni bata kuli mubale ni na, haiba mwakona, kakuli Ni ka swanisia ku se fa nako nyana fela, kauhanyo yabu 7, cwale, zeo mwahala Liswayo la Busilezi ni la Busupa.

. . . *hakufelile litaba zeo—hakufeli litaba zeo*  
(Maswayo aa) . . .

<sup>128</sup> Liswayo la Busilezo ne litamuluzwi, mi yeo ki nako ya Nyandiso. Kaufela mwa utwisisa zeo cwale? [Kopano ili, “Amen.”—Mu.] Liswayo la Busilezi ne li tamuluzwi, mi Nyandiso ya kalisa. Kasamulaho wa se, sikamañi?

. . . *zeo ha li felile Na bona mangeloi a mane a yemi kwa maneku a mane a lifasi, asweli mioya yemine ya lifasi, kuli kufuka kwa moyo kutokwahale mwa lifasi, ni mwa liwate nihaiba mwa likota kaufela.* (Mangeloi Amane!)

*Mi Na bona lingeloi le liñwi le li kambama kwa upa, li sweli nombolo ya Mulimu yapila: la huweleza ka linzwi le lituna kwa mangeloi a mane, ana filwe mata a kusinya lifasi ni liwate, lifasi . . . ni liwate,*

*Lali, Musike mwa sinya lifasi, ni liwate, nihaiba likota, kufitela ha luswaile batanga ba . . .*

<sup>129</sup> Isiñi Munyaliwa. “Batanga.” Isiñi bana. “Batanga.” Isilaele kamita ubile batanga ba Mulimu. Keleke ki bana, mwabona, ka kupepwa. Isilaele ki mutang’ a Hae. Mutualime, sibaka sibi kaufela ki cwalo kamita. Abrahama nali mutang’ a Hae. Luna ha lu batanga. Luna lu bana, babashimani ni basizana. Eehe.

. . . ba . . . ba *Mulimu wa luna mwa lipata za bona.*

<sup>130</sup> Cwale mutualimele.

. . . *Mulimu waluna mwa lipata zabona.*

*Mi Na utwa palo ya baba swailwe: . . .*

<sup>131</sup> Cwale Ni bata kuli muteeleze hande kwa palo yabona.

. . . *palo ya baba swailwe ikuma fa handeleti ni fote-foo sauzande mwa masika a bana ba Isilaele kaufela.*

<sup>132</sup> Wa bulela mabizo a bona hande. Cwale, haiba kuna ni muboni wa mu British-Israel yaliteni mo, teeleeza se mo si ezahalela ku zeo, mwabona.

*Mwa lusika lwa Juda baba swailwe ki ba twelufu sauzande.* (Ubabiza, “lusika.”) *Mwa lusika lwa Rubeni baba swailwe ki ba twelufu sauzande.* *Mwa lusika lwa Gadi . . . twelufu sauzande.*

<sup>133</sup> Mutualime amina—mutalime masika amina cwale.

*Mi mwa lusika lwa Asere baba swailwe ki ba twelufu sauzande. . . . mwa lusika lwa Nafetali baba swailwe ki ba twelufu sauzande. . . . mwa lusika lwa—lwa Manase. . . . twelufu sauzande.*

*Mi mwa lusika lwa Simioni. . . . baba swailwe ki ba twelufu sauzande.* *Mwa lusika lwa—lwa Levi baba swailwe ki ba twelufu sauzande.* *Mwa lusika lwa Isakare. . . . baba swailwe ki ba twelufu.* (Isakare, Ni sepa kona mo mu ibulelela cwalo.) . . . *twelufu sauzande.*

. . . *mwa lusika lwa Zebuloni. . . . baba swailwe ki ba twelufu sauzande.* *Mi mwa lusika lwa Josefa baba swailwe ki ba twelufu sauzande.* *Mwahala kaufela. . . . Mwa lusika lwa Benjaminne baba swailwe ki ba twelufu sauzande.*

<sup>134</sup> Cwale, kuna ni masika a twelufu, twelufu sauzande kuzwa mwa lusika. Twelufu kualulwa ka twelufu. . . . ki bukai? [Kopano ili, “Ki handeleti ni fote-foo sauzande.”—Mu.] Ki handeleti ni fote-foo sauzande. Cwale amutalime. Bani nelii, kaufela, ba mwa masika a Isilaele.

<sup>135</sup> Cwale amutalime, “Kasamulaho wa se. . . .” Cwale ki seo sikwata sesiñwi sa taha. Cwale, Munyaliwa sa ile, lwa ziba cwalo. Kono amutalime sikwata se si taha se.

*Zeo ha li felile Na talima, mi, nabona, buñata bobutuna bwa batu, kusina ya ko na ku ba bala, mwa macaba*

*kaufela, . . . mishobo, ni mwa masika, ni mwa lipuo, bayemi fapila lubona, ni fapila Ngunyana, ba apezi likubo zesweu, ba sweli nzalu mwa mazoho abona;*

*Mi ba huwa ka linzwi lelituna, bali, Kupiliswa kube ku Mulimu wa luna yainzi mwa lubona, ni ku Ngunyana.*

*Mi linaha kaufela . . . za yema kupotoloha lubona, ni babahulu ni libupiwa zene zepila, mi ba wa ka lipata fapila lubona, mi ba kubamela Mulimu,*

*Bali, Amen: Limbuyoti, . . . kanya, . . . butali, . . . milumbeko, . . . likute, . . . mata, . . . bulena, libe ku Mulimu waluna kamita ni mina. Amen.*

*Mi alimuñwi wa babahulu . . .*

- <sup>136</sup> Cwale u fapila babahulu fa. Sina, ha lu muboni, mwahala Maswayo kamukana.

*Mi alimuñwi wa babahulu a alaba, ali ku na, Ba ki bomañi . . .*

- <sup>137</sup> Cwale, Joani, kakuba Mujuda, na zibile sicaba sa habo. Na ba boni mwa liapalo za sizo sahabo. Kana ku cwalo? Na lemuhile ni kubulela lufi ni lufi lwa masika ateni.

- <sup>138</sup> Kono cwale, ha bona baa, u komokile cwalo. Mi yomuhulu wa ziba cwalo, kona ha sa bulela kuli:

*. . . Kibomañi ba ba apezi likubo zesweu ba? mi ba zwa kai?*

- <sup>139</sup> Joani, wa alaba cwale:

*Mi Na li ku yena, Muñaka, ku ziba wena.*

- <sup>140</sup> Joani na sa ba zibi, mwabona; mishobo kaufela, lipuo ni macaba.

*. . . Mi ki hali ku na, Baa ki – ki hali ku na, Ba ki bona baba zwile mwa nyandiso yetuna, (ka manzwi amañwi, Nyandiso yetuna), mi ba tapisize liapalo zabona, . . . likenile busweu twaa mwa mali a Ngunyana.*

*Kabakaleo ki bao bayemi fapila lubona lwa Mulimu, mi ba ka sebeza musihali ni busihu mwa tempele ya hae: mi bao . . . aina fa lubona u ka pila mwahala bona.*

*Habasana ku lapa hape in kamuta, kamba kuba ni linyolwa ni kamuta; neba lizazi halina kuba – lizazi ha li sana ku ba cisa ni kisesiñwi.*

*Kakuli Ngunyana ye mwahala lubona u ka ba lisa, abaise kwa maweluvelu a mezi a bupilo: mi Mulimu uka takula . . . mioko yabona kaufela kwa meto abona.*

- <sup>141</sup> Cwale lu kwalula li . . . lufite kwa Liswayo.

Kana mulemuhile, nebali mwa . . . Pili, lu kale cwale, Isilaele.

<sup>142</sup> Mi cwale lubona keleke ha i keniswa, isiñi Munyaliwa; keleke ye kenisizwe, ka Nyandiso, mwabona, mwabona, inze itaha cwalo fa, palo yetuna luli ya lipilu ze sepahala bene ba zwile mwa—mwa Nyandiso yetuna. Isiñi Keleke; Se iile kale, yena Munyaliwa. Ki yeo Keleke.

<sup>143</sup> Cwale lu fumana kuli, kasamulaho nyana, Jesu na bulezi kuli Lubona lu ka tomiwa, ni ka mo . . . ne ba ka yemela mwa katulo, mañi ni mañi.

<sup>144</sup> Cwale, lu fumana cwale kuli sicaba se ne si swailwe ka Liswayo la Mulimu yapila (kana ki cwalo?), Majuda baa. Liswayo la Mulimu yapila ki lifi?

<sup>145</sup> Cwale, Ha ni pundi mañi kaufela, kuholofaza maikuto a mutu. Ni bulela fela, mwabona. Kana mwa ziba, kuli, ha ne ni balile zeñata ze ba ñozi baituti babañata fa litaba zee, ba bulela kuli sikata se fa, baba tapile mwa mali, bali kiyena Munyaliwa?

<sup>146</sup> Kana mwa ziba kuli baituti babañata hape ba bulela kuli bani ba handeleti ni fote-foo sauzande kuti ki yena Munyaliwa? Sikamañi . . . Kuna ni sesiñwi se si lukela kulikaneleta fa, kufosa . . . fateni fo cwale, kakuli kuna ni se si fosahalile cwale.

<sup>147</sup> Mulemuhe, mizwale yaluna ya Basabata, bali, "Liswayo la Mulimu ki kubuluka lizazi la sabata." Mwa ziba cwalo. Kono ni bata kalulo iliñwi ya Liñolo ku zeo, kubonisa kuli sabata, kamba kubuluka lizazi la sabata, kona Liswayo la Mulimu. Mwabona? Ki mutu fela ya na itahezi ni muhupulo woo.

<sup>148</sup> Kono haiba mubala Maefese 4:30, ibulela kuli, "Musike mwa filikanya Moya o Kenile wa Mulimu, o mu swailwe swayo ka ona kuisa . . . kupiliswa kwa mina," eni, sha, musebezi wa buyemeli ha se u felile, mi mwa taha; Kreste utaha ku to liulula ba Hae Tota. Mu swailwe; isiñi kuisa kwa ancafazo yetatama. Ha u swailwe hañwi ka Moya o Kenile, ki musebezi o felile, kuli Mulimu u ku amuhezi, mi hakusana kuzwa ku zona.

<sup>149</sup> Mu li, "Kihande, Ne ni ni U amuhezi, mi se Ni latela." Batili, wali—wali kuba u Uamuhele.

<sup>150</sup> Mulimu u bulezi kuli U kaina ni wena kuisa Lizazi la Kuliululwa. Cwale, uh-huh, u kanane fela ni Yena, ni uka bona sa talusa. "Kuisa Lizazo la Kuliululwa kwa mina."

<sup>151</sup> Mulemuhe. Sina ha ne kuna ni . . . Sina hane bali bo masiyaleti kuya ka kuketiwa, Majuda ba cwale kibona bo masiyaleti kuya ka kuketiwa. Mwa mazazi a bulumiwa bwa pili bwa Elia kwa Majuda, koo balumeli baba kuma fa sebene sauzande ne ba bulukilwe ka lizoho la Mulimu, cwale kuna ni mwa nako ya bo masiyaleti ye, baba taha kwa nako yabona, kuli babe wani handeleti ni fote-foo sauzande kuya ka kuketiwa. Kuli, Liñusa ka nako yani, kulumela Liñusa, kuba ba handeleti ni fote-foo sauzande.

<sup>152</sup> Cwale, mu li, “Oh, cwale fa muzuzu fela, muzwale, Ha ni zibi ka za ‘kuketiwa’ koo. Kihande, Ha ni sika bala cwalo fateni.”

<sup>153</sup> Ku lukile, cwale ha luboneñi haiba ki cona, kamba nee. Ha lu kuteleñi ku Mateu, ni kushetumuka fa kufumana haiba lusike lwafumana nto yeñwi ka yona fokuñwi. Na lumela cwale kuli Ni bulela niti. Ha ni si ka iñola kulo fa batí, kono itile fela mwa munahano. Ha lungeni, kwa mafelelezo, timana ya 30; fo ne lutalimezi maabani busihu, kufela kwa Liswayo la Busilezi, fa timana ya 30. Cwale ha lu baleñi seo ni lubone cwale fo lu ka fita, ki timana ya 31. Mwabona? “Ba ka bona Mwana mutu hataha mwa kanya.” Cwale timana ya 31.

*Mi uka luma mangeloi a hae ka mulumo wa tolombita yetuna, mi ba ka kubukanya ba hae baba ketilwe kwa mioya ye mine, kukala kwa mafelelezo a lihalimu kuisa kwa mafelelezo amañwi a lihalimu.*

<sup>154</sup> Bao “babaketilwe” ba ka zwa. Ki sikamañi seo? Mi ni nako ya Nyandiso. Mulimu uka biza baketwa ba Hae, mi bao ki Majuda ka nako yeo, babaketilwe. Bibebe ya bulela ka zona. Paulusi wa bulela ka zona, “Kuya ka kuketiwa.” Ku kaba ba handeleti ni fote-foo sauzande kuya ka kuketiwa, babaka lumela Liñusa, kuzwa mwahala ma milioni akaka kwani.

<sup>155</sup> Nekuna ni ma milioni mwa Palestine, mwa mazazi a sipolofita sa Elia, mi ba sebene sauzande ba piliswa mwa ma milioni ao.

<sup>156</sup> Cwale, “kuya ka kuketiwa.” Koo, Majuda babaeza ma milioni ba kubukanelia mwa naha yahabo. Se ibile naha. Kukaba ma milioni mwani, kono konji fela bona baba handeleti ni fote-foo sauzande “babaketilwe” kona baba ka ngiwa. Ba ka utwa Liñusa.

<sup>157</sup> Kinto yeswana yeliteni ni mwa Keleke ya Bamacaba. Kuna ni Munyaliwa, mi U ketiwe. “Mi uka bizwa kuya ka kuketiwa.” Mulemuhe, se kaufela si swanisisa Keleke, kaswanelo, balumeli baba ketilwe.

<sup>158</sup> Babañwi ha ba lumeli. Mwakona fela ku li bulela. U bulelele mutu Niti, mi u boniswe ka Linzwi, mi ni kupakiwa; uka li, “Ha ni lumelo Zeo.” U kona fela . . .

<sup>159</sup> Usike wa angabazwa ka zona hape. Jesu na bulezi kuli musike mwaeza cwalo. Ali, “Kuswana inge kunepela lipelela fapil’ a likulube.” Mwabona? Ali, “Amu li siye fela. li ka swana li li hatikela ka mahutu. Ba ka mi bona fela bukuba. Mu zwe kubona mi mubasiye. ‘Haiba sibofu si etelela sibofu . . .’”

<sup>160</sup> Ne ni ile ku muuna, ha ki kale hahulu, kamba, na tile ku na, nitaluse. Na sweli ku eza likañi, nako kaufela, kai ni kai, kuhana za foliso ya Bumulimu. Mi ki ha taha, mane ali, “Ha ni lumeli mwa foliso ya hao ya Bumulimu.”

<sup>161</sup> Se nili, “Yaka, Na sepa, haikoni kuba yende, kakuli Hanina neba yekana.” Mi yena...Se nili, “Kono ya Mulimu yona ipetehile.”

Ki hali, “Hakuna nto ye cwalo.”

<sup>162</sup> Se nili, “U liyehile kale ka kubulela cwalo, mulikani. Ehe, u se—u se ulibelezi zeo nako yetelele. Mwendi ubile u kanana, ka lilimo nyana zefitile, kono kuna ni lusika lusili cwale. Kuna ni buñata ma milioni babakona kupaka, wabona.” Se nili, “Use—use u liyehile hahulu cwale, mulikani, kuli ubulele cwalo.”

<sup>163</sup> Ki hali, ki hali, “Kihande, Ha ni lumeli cwalo; Hanina taba ka so eza.”

Se nili, “Kaniti kutokwa. Ha ukoni.” Mwabona?

<sup>164</sup> Ki hali, “Ni eze sibofu!” Ali, “Haiba una ni Moya o Kenile luli, sina Paulusi,” ali, “ni eze sibofu.”

<sup>165</sup> Se nili, “Ni kona kukueza cwani cwalo, inge uli sibofu kale?” Se nili, “Ndate ho u ku foufalyze kwa Niti.” Na li, “Wena, u sibofu kale kale.”

<sup>166</sup> Mi ki hali, “Ha ni koni kulumela; Hanina taba ka so kona kueza, kamba ki bupaki bobukuma kai bo kona ku ni bonisa, kamba ze cwani kaufela. Niteni hani lumeli.”

<sup>167</sup> Se nili, “Kiniti. Ne si za baba sa lumeli. Ne li fela za balumeli. Ki hona.” Mwabona?

<sup>168</sup> Neli sikamañi sani? Mwabona, mwabona ona foo, kuli kuketiwa hakuyo. Usike wa angabazwa ki zona, neba hanyinyani. Jesu na ezize zeswana, Na ize, “Ha mu batuhele fela. Haiba sibofu si eteleta sibofu, hanili kaufela ba ka wela mwa musima?”

<sup>169</sup> Kono cwale Hana tile kwa musali wa lihule, [Muzwale Branham u liza munwana wa hae hañwi—Mu.] sa tukisa mulilo! Neli sikamañi? Ne li peu ye ketilwe yeneli mwani, mwabona, yato Li bona ona fani cwale. Ha Li taha ku Pitrosi, nekuna ni peu ye ketilwe yeneliteni mwani, mwabona, mi ba I bona. “Mi kaufela Ndate a ni file, ufile kale” (tensi yakale) “u Nifile, baka taha. Ba ka taha ku Na.” Oh, mawi! Na lata cwalo! Eni, sha. Mulemuhe, balumeli ba Li lumelanga.

<sup>170</sup> Ba ba sa lumeli habakoni ku Li lumela. Kacwalo, cwale, haiba kuna ni yabata ku kanana ka za peu ya noha ni lika zeñwi, mi mulika kuba bonisa, habana ku teezeza ku Zona; amuzwe fela muikele. Mu ba tuhele fela. Mwabona, Mulimu ha kananangi, neba bana ba Hae habayo mwa likañi.

<sup>171</sup> Mulemuhe, baba handeleti ni fote-foo sauzande ba Mulimu baketwa ba Majuda haba kubameli sibatana, buino bwa likopanoza bwa hae, kamba litaelo, kamba sika kaufela, neba inge kuli na ha yabona imwa bulikani ni zona ka nako yeo.

Isilaele u mwa bulikani, kono fa kiba baba handeleti ni fote-foo sauzande babasike ba eza cwalo. Bao ki baketwa.

<sup>172</sup> Kinto yeswana ni mo inezi ona mwa Keleke ya Bamacaba cwale, sona sikhata se si ketilwe. Hamukoni ku ba kenya mwa lika zecwalo zeo. Habana ku li lumela. Batili, sha. Nako ye ba monyehelwa ki Liseli, ikaba mafelelezo foo cwale. Ba bona li . . . balibona ha liezahala, ni kulibona ha li pakiwa ni kubonahalisa ona cwalo. Mi ba talima mwa Bibele mo, babona Linzwi lani inge li zamaya ona cwalo. Kihande, mina fela—mina fela kihande mutulele kuangabazwa ki bona, kuli ba Li lumele. Ku felile. Ku felile. Ni ha ba sakoni ku Li toloka, kono ba ziba kuli bana ni Zona. Kacwalo, sina Ha ni bulela, kuna ni lika zeñata ze Ni sa koni kutatulula, kono Na—Na ziba kuli kiza niti nihakulicwalo. Uh-huh. Ku lukile.

<sup>173</sup> Nako ye neli mwahala Liswayo la Busilezi ni la Busupa yeo Abiza sicaba see, ne libulezwi ki Jesu mwa Mateu kauhanyo ya 24 ni timana ya 31, ye lu sa zo bala fela, mwabona. Litolombita fa, lipaki zepeli za . . . Tolombita ha iliziwa, ki tolombita ya lipaki zepeli za lusika lwa sishemo kwa Majuda. Mulumo ulimuñwi wa tolombita, mu lemuhe, mulumo ulimuñwi wa tolombita. U bulezi kuli Uka liza tolombita. Cwale mulemuhe kulo fa, ya 31.

*Mi ula luma mangeloi a hae (isiñi li liliñwi, mwabona;  
ki bababeli bao) ka mulumo omutuna wa tolombita, . . .*

<sup>174</sup> Kiñi seo? Kifo Mulimu ha bata kubulela, kubanga mulumo wa tolombita. Leo kamita kona Linzwi la Hae. Li bizeza kwa ndwa, mwabona. Mulimu wa bulela. Mangeloi akataha ka mulumo wa tolombita.

<sup>175</sup> Mi kana mulemuhe, kwa Liñusa la lingeloi, mulumo wa tolombita. Liñusa la lingeloi lapili, ki mulumo wa tolombita; liñusa la lingeloi la bubeli, ki mulumo wa tolombita, nako Ya li luma. Mulemuhe, kono cwale Maswayo ha na zibahalizwe, kaufela nebali mwa nto iliñwi yetuna, ya Bumulimu, kuli kubizwe sikhata sa batu; nekuna ni muhuwo ulimuñwi wa tolombita mi Maswayo a Supa a kwaluha.

<sup>176</sup> Mulemuhe, “Kukopanya Majuda ba Hae babaketilwe kuzwa kwa maneku amane a lihalimu.”

<sup>177</sup> Na bulezi Maswayo a silezi, sina ha luboni, kono isiñi Liswayo la Busebene. Hakuna sa bulezi mwateni mo ka za Liswayo la Busebene, hakuna neba hañwi.

<sup>178</sup> Mwabona, kapili fela, timana ya 32, ufetuhela kwa linguli, za nako ya kubizwa kwa Majuda baba ketilwe. Cwale mutualime faa, mwabona.

<sup>179</sup> “Mi Uka luma mangeloi ka tolombita, mi akubukanye Baketwa kuzwa kwa maneku amane a lihalimu.” Cwale U kalisa . . .

<sup>180</sup> Mwabona, Hakuna sa bulela ka za Liswayo la Busebene fa. Mwabona? U bulezzi ka za Liswayo la Busilezi; Lapili, Labubeli, Labulalu, Labune, Labufaifi, ni la Busilezi.

<sup>181</sup> Kono mulemuhe:

*Cwale muitute nguli ya kota ya feiga; Cwale mitai ya yona haikala kushoshela, ni kutubula matali amanca, mu ziba koli mbumbi i fakaufi:*

*Kamukwa oswana ni mina, ha mu ka bona lika zeo, muzibe kuli nako ifa kaufi, mane fa munyako.*

<sup>182</sup> Yeo ya mafelelezo, puzo yene ba Mu buzize, “Mi ki sikamañi se si ka supa kufela kwa lifasi?”

<sup>183</sup> “Ha mubona Majuda baa... Hamu ka bona lika zeñwi zeo liezahala, mwa ziba zene ezahalile. Cwale, hamubona Majuda ba...” Kubulela kwa Majuda! Cwale mutokomele. Ki sikhata sifi Sa ambola ku sona, Bamacaba? Majuda! Majuda! Mwabona?

<sup>184</sup> Cwale Na ize, “Mu ka toiya ki macaba kaufela kabakala Libizo la Ka,” ni zeñwi, ze cwalo.

<sup>185</sup> Cwale, “Mi,” Ki hali, “mwabona Majuda bao habakala kutubula lipalisa kulo kwani,” Isilaele yani haka kala kukuta, kukena mwa naha ya habo. Ha ka yo punya kwani, (foo Keleke i kabe ilibelezi kuya mwa Kuungelwa), kuna ni fela myaha yemilalu ni licika yesiyezi kuisa kwa mafelelezo a lifasi, mi yena ukema mwa butata, mi kipeto kutaha Mileniamu, kutaha mwa lifasi lelinca—lelinca. Ali, “Mane ki fa munyako!” Cwale, myaha ye sikit fa lifasi ki zazi li liliñwi ni Mulimu. Mi myaha yemilalu ni licika, yeo ina ni kufita kai? Ki mizuzunyana fela, mwa nako ya Mulimu. Leo kona libaka ha Na ize, “Ki fa munyako.”

*Kaniti Ni li ku mina, nili, Lusika lo haluna kuyundiswa, kufeliswa, sicaba se, haili litaba zeo kaufela lipetahala...*

<sup>186</sup> Kiñi, kiñi ze si ke za felliswa? Balikile kubula Mujuda, kuzwa mwa lifasi, ka nako kaufela. Habana kukona ku eza cwalo.

<sup>187</sup> Kono mulemuhe. Lona lusika luli lwa Majuda lo ne lubone kukuta, kukutela mwa Palestine, lusika loo lu ka bona litaba ze ha liezahala. Mi lilimo zepeli fela za mafelelezo, aba naha yekwanile hande, ni masheleñi a hae ni zeñwi kaufela. Ki yani fani.

<sup>188</sup> Cwale lu kai, mulikani? Maswayo ni lika kaufela li kwaluhile; cwale lusweli kunga taba ye mwahali mo fa. Ki zeo foo. Mwabona fo luinzi? [Kopano ili, “Amen.” —Mu.]

<sup>189</sup> Na sepa mwa Li utwisia. Na ha ni si ka ituta. Na ziba ze Ni ambola fayeni, kono mwendi Hanikoni fela kutatulula—kutatulula Zateni, kuli liut wahale hande ku mina. Kono Ni sepa kuli Mulimu ukanga Manzwi a kopano kopani ni ku a aba kaswanelo, mwabona, ni ku mi konisa kuziba seo Ali sona.

Kakuli, ki, lu fa munyako. Kiluna ba fa kanako yateni. Cwale mulemuhe.

<sup>190</sup> Mwabona, kapili fa cwale, U sikuluhela kwa Majuda, ni kwa—kwa nako ya mafelelezo. U bulela se si ka nga sibaka. Lwa ziba neba zeo cwale... Lwa ziba, lwa itubela zona hande, kuli masika a hasani. Ba bile, ka myaha ye myanda ye mashumi a mabeli ka yeketalizoho. Ne ba polofitilwe kuli ba ka hasanela kwa mioya yemine. Kana mwa ziba cwalo? Lwa ziba cwalo.

<sup>191</sup> Kakuli, haluna kukuta mwa mulaho ni kunga, zeo, kakuli Ni na nto yeñwi fa ya butokwa ye Ni bata kuli mubone, musika katala kale hahulu, mi Nina ni si ka boteha kale.

<sup>192</sup> Mulemuhe. Lwa ziba, neba lusika ni lusika, fo ki kuya ka mundandwe wa masika, kamba kaufela mo mubata ku libizeza, kamba buino bwa lifasi, kamba sibaka sa lusika, bao habayo hamoho. Ba hasanezi kai ni kai.

<sup>193</sup> Majuda, ba kopanela mwa Jerusalema, ha ki... Bona mane ha bazibi lusika lwabona. Habana neba ngana ya masika neba sika kaufela. Ze ba ziba, bona, kikuli ki Majuda. Ne ba polofitezwi kuba ona cwalo, lifasi koliya kolikuwa. Cwale, libuka zabona li sinyizwe. Ha ba zibi.

Hamuka li, “U zwa kwa lusika lufi?”

“Hani zibi.”

“U mushobo mañi?”

“Hani zibi.”

<sup>194</sup> Alimuñwi kuzwa ku Benjamine, alimuñwi uzwa ku *lo*, mi yomuñwi uzwa ku *lwani*. Ha ba zibi kuli ba zwa kai. Libuka za bona se li sinyizwe, mwa linako za lindwa, mi ka myaha ye mianda ye twenti-faifi. Nto fela ye ba ziba, kikuli ki Majuda. Ku felile. Kacwalo, ba ziba kuli bakutile mwa mubu wabona. Bona mane... Mulemuhe, ni ha ba sa zibi masika abona, kono Mulimu wa ziba.

<sup>195</sup> Na lata fela cwalo! Mwa ziba, Yena mane ba bulezi kuli kuna ni... “Milili kaufela ya litoho zamina waziba palo yayona.” Hum! Mulemuhe, Hakuna za latehisa yena. “Ni ka ba zusa hape ka lizazi la mafelelezo.”

<sup>196</sup> Ni ha ba ka latehisa situndi sa—sa—sa lusika lwa bona, ni kuli bo *ngete* yo ki mañi, kamba ki wa se kamba *sani*; habazibi kamba bazwa ku Benjamine, kamba bazwa ku Rubeni, kamba—kamba Isakare, kamba ko bazwa kaufela. Kono, nihakuli cwalo, Mulimu wa ba biza fa.

<sup>197</sup> Cwale mulemuhe, mwa Sinulo 7, lu balile cwalo. “Twelufu sauzande” mwa lusika kaufela, baba ketiwle, kuzwa ona kaufela. Kuna ni baba twelufu sauzande mwa masika kaufela, kona baba ketilwe, mi babeilwe hande mwa mukoloko. Oh, mawi! Kibona bafi? Bainzi mwa mukoloko wa mushobo. Mane,

haba cwalo cwale, kono bakaba cwalo. Ba mwa mukoloko wa lusika. Kimañi ya kaba mwa mukoloko wa lusika? Isiñi Mujuda wa fela fela, batili. Kono ki bona baba ketilwe, bona ba handeleti ni fote-foo sauzande, kona baba ka beiwa mwa mukoloko wa lusika. Oh, mawi!

<sup>198</sup> Mo Ni tablelala ku mo boniseza! Haluna kukena ku zeo. Kono ona cwalo kona mo ilukela kubela Keleke, uh-huh, hande ka swanelo.

<sup>199</sup> Cwale Ni bata kuli mulemuhe hande kaswanelo ni kubala hamoh ni na, fa muzuzu. Cwale ki ye fa nto yemusika lemuha mane mwa—mwa kubizwa kwa mishobo. Ni mi bulelezi nako yefitle, kuli mubale Sinulo 7. Amubale hamoho nina, mi mubone masika ao. Mwa Sinulo 7, Dani ni Efraimi habayo mi haba si ka balelwa hamoho. Kikuli mulemuhile seo? Josefa ni Levi ne ba yolisizwe mwa libaka zabona. Kikuli mulemuhile seo? Danie ni Efraimi habayo mwateni. Batili, sha. Kono, Josefa ni Levi ne ba yolisizwe mwa sibaka sa—sa—sa Dani ni Efraimi.

<sup>200</sup> Kiñi? Neba... Yena Mulimu yakona kuhupula uhupula sepiso kaufela ya Linzwi la Hae. Oh, Ni tabela kukutaza ka zeo. Mwabona? Mulimu hakuna za libalanga, ni ha li ka bonahala cwalo.

<sup>201</sup> Sina mwa Na bulelezi Mushe. Isilaele nali kwani, “myaya ye mianda yemine.” Kono neba na ni kuzwa ka nako yani. A bulelela Abrahama ali, “Mi peu ya hao ika yambaela mwa naха ya kwahuile ka myaha ye mianda yemine, kona Ana ka ba lamulela ka lizoho le limata.” Kono cwale Ali ku Mushe, “Ni hupuzi sepiso ya Ka, mi Ni tile ku to taleleza se ne Ni bulezi.”

<sup>202</sup> Mulimu ha libali. Ha libali likuto za Hae, mane hape Ha libali limbuyoti za Hae. Kono, sepiso kaufela ya Na file, U ina ni yona.

<sup>203</sup> Ki leo libaka ha ne basiy mwateni, cwale, haiba mutokomela. Cwale amubale. Ni bata kuli mubale hamoho nina cwale. Mu apule mwa Deuteronomia, ya twenty-...mwa timana ya 29 mwani, kamba kauhanyo ya 29, nitaluse. Kuna ni libaka la masika ao hasiyo mwateni. Li kaufela lina ni libaka zateni. Deuteronomia, lu bata kunga kauhanyo ya—ya 29 mwa Deuteronomia. Cwale, Mulena alu tuse, kuli lukone ku utwisisa cwale. Cwale lubata kukalisa mwa Deuteronomia, kauhanyo ya 29, ni timana ya 16. Cwale muiteeleze. Mushe wa bulela.

(*kakuli mwa ziba ni mina mo ne luyahezi mwa naха ya Egепita; ni mo ne lufitezi mwahala macaba elu pazuzi naха ka ona;*

*Mi muboni ze masila zabona, ni maswaniso abona, a likota...ni a macwe, ni a silivera...ni a gauda, a inzi ku bona:)*

<sup>204</sup> Mañi ni mañi na lwezi nto yeñwi, kaswaniso nyana ka Saint Cecilia. Mwa ziba, nto yecwalo, mwabona. “Kuli kusike . . .” Amuteeleze.

*Mu itemuhele kuli kusike kwa fumanwa mwahala mina muuna, . . . musali, kamba mutu ni ba ndu ya hae, kamba ba lusika, baba ka kelusa kacenu lipilu zabona ku MULENA Mulimu wa luna, ku yo sebeleza milimu ya masika ao; kusike kwa fumanwa kumina mubisi o melisa sifanu ni lungwatanga;*

*Mi ha ku ka fumanwa kuli mutu ha sa utwile manzwi a bulikani boo, kuli—kuli aisepisa mwa pilu ya hae, mi ali, Ni . . . ka pila kwa kozo, Ni ha ni zamaya mwa bungulunde bwa pilu ya ka, . . .*

<sup>205</sup> Mwabona, batu bali, “Oh, wa kutwisisa.” Mwa ziba, kuea sifapahano nyana kamba nto yeñwi, inge mo ba ezeza cwale, mwa bona; kinto yeswana, mwabona. Mi mwabona ki bupilo bwa buhedeni, mwabona, kuswana inge bahedeni.

*. . . wa ikutwisisa mwa pilu ya hae, . . . inze ni ekeza butakwa kwa kushukelwa ze kola mwa maikuto a hae:*

<sup>206</sup> “Kunwa fela, seo haezi shutano ni yekana; haibile fela muya kwa keleke, kaufela mina mwa lukisa.”

*Mi MULENA uka hana ku muswalela, kono buhali bwa MULENA . . . ni lifufa la hae li ka tukela mutu yoo, mi likuto kaufela zeñozwi mwa buka ye (“Musike mwa zwisa Linzwi ku Yona, kamba kuekeza leliñwi ku Yona,” mwabona.) li kaba ku yena, mi MULENA uka feza . . . uka feza libizo la hae mwatas’ a lihalimu.*

<sup>207</sup> Kona libaka ha sa li mwa lifasi mo, mwabona, “mwatas’ a lihalimu.”

*Mi MULENA uka mu zwisa mwahala masika kaufela a Isilaele, ku mu kenya mwa bumaswe bwa likuto kaufela za bulikani bobu ñolilwe mwa buka ye ya milao:*

<sup>208</sup> Kabakaleo, “Haiba mutu uka sebeleza siswaniso, kamba kubuluka siswaniso ku yena, kamba kuikutwa kulikana mwa maikuto a bungulunde bwa hae, inza sebeleza milimu,” Mulimu naize, “muuna, musali, bandu ya hae, kamba lusika lwa hae, libizo la hae li ka fezwa mwa sicaba sa habo.” Cwale, kana ki niti yeo? [Kopano ili, “Amen.”—Mu.] Ki niti yecwani!

<sup>209</sup> Bulapeli bwa maswaniso buezize nto yeswana mwa keleke, myaha yefitile, bu sa eza cwalo ni kacenu. Mi Na lemuha . . . Mutualime antikreste mwan’ a likezi kuzamaya muzamao wa bulwanisi. Ki ba bakai baba ziba kuli diabulosi uswanisisa miofuta ni mikwa ya—ya babakenile ba Mulimu?

<sup>210</sup> Kana si—kana sibi ki nto mañi? Ki nto yelukile kono ifutuzwi. Buhata kinto mañi? Ki niti ye kopamisizwe. Boozwa

ki sikamañi? Ki kezo ye lukile, yezamaelela ka mulao, ye ezizwe ka kufosahala. Mwabona?

<sup>211</sup> Cwale, ka kulika kueza se, “kutakula kwa libizo,” kana mulemuhile mwa lusika lwa keleke, sibatana sesiswana se si sebeleza maswaniso a batu baba shwile, ni zeñwi cwalo, balika kutakula Libizo la Mulena Jesu Kreste, ni kuwa malumbatina akuli Ndate, Mwana, ni Moya o Kenile. Kinto yeswana, ni sona sikuto sani mwa mulaho wa sona, sina cwalo.

<sup>212</sup> Dani ni Efraimi neba ezize fela ona cwalo, mwataswa buipi bwa mulena mwa Isilaele, muhapelezi, Jeroboami. Cwale, mulemuhe, mwa Malena Bapili kauhanyo ya 12. Ni ziba kuli lumwa . . . Se, ku na, i—i—i toma makalelo a se lukona kuitinga kusona, se lubona. Malena Bapili, Ni bata kujya mwa kauhanyo ya 12, litimana za 25 ku yo punya kuya 30.

*Jeroboami ki ha yaha munzi wa . . . Sikemi mwa naha ya malundu a Efraimi, a ina mwateni; kwapili . . . a zwa ayo yaha Penuele.*

*Mi Jeroboami ali mwa . . . akengeyela mwa—mwa pilu ya hae ali, (mwabona, minahano ya pilu ya hae), Cwale mubuso uka kutela ku ba lusika lwa Davida:*

<sup>213</sup> Na saba, mwa bona, kuli batu ne ba ka musiya.

*Sicaba se ha si ka kambamelanga kwa . . . ku yo eza matabelo mwa ndu ya MULENA kwa Jerusalema, lipilu za sicaba se li ka sikuluhela hape ku mulena, ku Roboami mulena wa Juda, mi ba ka ni bulaya, ba kutele . . . ku Roboami—Roboami mulena wa Juda.*

*Mulena aikupula cwalo, mi aeza manamani amabeli a gauda, ki ha bulelela sicaba sali, Mu ikatalelize kale kuya kwa Jerusalema: bona milimu ya hao, Wena Isilaele, kiye ye ku zwisize . . . mwa naha ya Egepita.*

*Ki ha beya namani yeñwi mwa Betele, yeñwi aibeya kwa Dani.*

*Taba ye yaba lona libaka le li tahisize sibi: kakuli sicaba sa yo kubamela manamani mane, kuyofita ni kwa Dani.*

<sup>214</sup> Mwabona, Efraimi kwa Betele, ni Dani, mi ba toma milimu ya maswaniso. Mi bao bazwa ku yo i kubamela.

<sup>215</sup> Mi ki luna ba fa, ku yo punya ni mwa lusika lwa Mileniamu, mane, mi Milimu u sa hupula sibi seo. Mane ha ba sika balelwa mwateni. Heyi! Kanya! [Muzwale Branham ukambela mazoho a hae hañwi—Mu.] Inge fela Mwa hupulela sepiwo yende kaufela, Wa hupula ni yemaswe kaufela, hape. Muhupule fela, fani . . .

<sup>216</sup> Kona ha Ni lumela cwalo, balikani, Ni likile kamita kupila ni Linzwi leo, hakuna taba kamba Li bonahala cwani lelinca.

<sup>217</sup> Mwabona, cwale, ne ba sa hupuli zeo ka baana bani nako yani. Ne ba si ka li nahani ka nako yani. Neba hupula kuli, “Kihande, ne ile fela ni zona.” Ku lukile.

<sup>218</sup> Kono fa ki ba bateni mo mwa lusika lwa Mileniamu ko lu kalisa, kanti mabizo abona a “takuzwi” mwa teni, kakuli ne ba sebelelize milimu ya maswaniso, ana kutile Mulimu.

<sup>219</sup> Kana Na si ka bulela kuli U “toile” Bunikolai ni yena Jezabele yani? Muinele kwahule ni zona. Kikuli Na si ka bulela kuli U ka bulaya bana babasizana ba Jezabele ka pulao ya “lifu,” ili kauhano ya Kuyakuile ni Pata ya Hae? Musike mwa sepa ku zona, nihanyinyani. Mube kwahule ni zona. Kacwalo, Mulimu wa hupula. Mulemuhe.

<sup>220</sup> Kono kana mulemuhile kulo foo, ne lina ni ku “takulwa”? Kiñi? Mwatasa Lihalimu nekusina Sitabelo sene si ka mufa Moya o Kenile, ku mu lumeleza kuna litaba zee. Kono na ezize cwalo nihakuli cwalo, mwa munahano wa hae wa bungulunde.

<sup>221</sup> Kono, Ezekiele, mwa pono ya hae, mwa Mileniamu, u ba bona hape mwa buino bo buswanelia. Ezekiele, haiba mubata ku ibala. Ha mu iñole fela, mi makona kuibala, kuli lubuke nako. Ezekiele 48:1 kuisa 7, hape mubale ni 23 kuisa fa 29. Ezekiele na boni lusika kaufela ka swanelo fela. Ku lukile.

<sup>222</sup> Mi, hape, mwa Sinulo 14, Joani naba boni hape mwa mukoloko wa lusika, yeo ki niti, lusika lufi kaufela mwa sibaka sa lona. Kiñi ze ne ezahalile?

<sup>223</sup> Mwa hupula, Na ize, “Mwatasa lihalimu, kuli libizo la hae ne li ka takulwa mwa mukoloko wa lusika.” Haibile na li mwatasa lihalimu, nekusike kwaba babañwi hape. Mi bona ba handeleti ni fote-foo sauzaande bao bateni mwa siemba sa lusika, mane. Kiniti. Kono, mwa bona, ne ba foufalizwe. Nebana ni fela litabelo za lipoho ni lipuli. Mwabona? Cwale mulemuhe, Na a takuzi, “mwatasa lihalimu.”

<sup>224</sup> Kono Bamacaba, mwa mazazi a Moya o Kenile, ka kushutana ni Seo; libizo la hao ne li zwile mwa Buka ya Bupilo kufeletele, “mi no si ke kuba ni swalelo, mwa lifasi le kamba lifasi le litaha.” Ki niti yeo kana? Kacwalo fo kona fo lu yemi.

<sup>225</sup> Isilaele, mwatasa lipuli, lingu, neba—neba na ni sibaka. Haibile fela nebali fa lifasi fa, masika a bona na siyo. Na si ke a ekezwa mwateni. Cwale, kaufela... Ha Na ba biza, kulo kwani, bona ba handeleti ni fote-foo sauzaande, neba siyo. Yeo ki niti. Mane ha ba si kabalelwia mwateni moo. Mi Josefa ni Levi kona baba beilwe mwa sibaka sa Dani ni Efraimi. Cwale mwakona kutalima foo. Ki se fa, fapila mina, mwabona. Mi ki ye fa sepiso ya Mulimu, kwa mulaho kafoo, mianda ni mianda ya lilimo kusikaba kale zeo. [Muzwale Branham unggongota fa katala linako nyana—Mu.]

<sup>226</sup> Cwale, kiñi ze ne ezahalalile? Ne ba tapile ka nako ya Nyandiso yebutuku.

<sup>227</sup> Cwale, haiba Mulimu uka tapisa mu—mu munyalawa yani, yani neli musali yomunde, kono apapela fela kulwala oli mwa lambi ya hae, mi Uka mu tapisa ka manyando ani mwani. Ubeya mwateni masika ani moo, ka mulelo oswana, ni ku ba kenisa ka nako ya Nyandiso. Kakuli, ki ku—ku keniswa. Ki katulo. Kono, mwa bona, kona, kasamulaho... Mi, mutualime faa, ki bao ba handeleti ni fote-foo sauzande ba taha, kasamulaho wa kukeniswa kwa Isilaele. Mi ki yo hape wataha mwalanjo ya lobezi, wa taha, utapile, mi uapezi liapalo zesweu. Mwabona? Ha ki kuzamaeleta ni koo! Ha ki bunde ni boo!

<sup>228</sup> Kuswana sina Jakobo, mwa nako ya butata, mwabona. Neba... Jakobo, mwa nako ya butata. Na ezize mafosisa. Kono afita mwa nako ya kuutwa butuku kakuli na foselize muhulwan'a hae, Esau. Mwabona? Na pumile, fa kunga tukelo ya kupepwa kwa hae. Kono afita mwa butata a sika ba kale ni kucinciwa kwa libizo la hae kuzwa ku Jakobo kuba Isilaele, ili mufuta wa muzamao wa Mulimu, o swanisiswa kacenu.

<sup>229</sup> Cwale, lu ka apula cwale mwa timana ya 8 ya mwa, kamba, timana ya 1, Ni taluse, ya kauhanyo ya 8; ya Sinulo 8:1.

<sup>230</sup> Na ziba mu katezi. Kono, cwale, a mulike fela kuteeleza fa mizuzu yelikani cwale. Mi, Mulimu wa Lihalimu alu tuse, kona tapelo yaka.

<sup>231</sup> Lu swanelia kuhupula kuli Liswayo la Busupa le ki yona nako ya mafelelezo, a lika kaufela. Yeo ki niti. Litaba ze ñozwi mwa Buka ya Maswayo a Supa, li swailwe, ka za mulelo wa puluso kuzwa kwa mutomo wa lifasi, ki nto yeswanela hande. Ki mafelelezo; ki mafelelezo a lifasi le li ikataza. Ki mafelelezo a pupo ye ikataza. Ki mafelelezo a lika kaufela. Mwaten mwani, ki mafelelezo a Litolombita. Ki mafelelezo a Manaka. Ki mafelelezo a lifasi. Ki ona... Mane ki mafelelezo a nako.

<sup>232</sup> Nako ya unguka. Bibebe ibulezi ona cwalo. Mateu, kauhanyo ya 7... Ni talusa, Sinulo, kauha ya 7... kauhanyo ya 10 ni timana ya... kukala fa 1 kuisa fa timana ya 7. Nako ya unguka. Lingeloi ne li bulezi kuli, "Ha ku sana kuba tiyeho," mi zeo, mwa mazazi a nto tuna ye haita ezahala.

<sup>233</sup> Liki kaufela za fela, mwa nako ye, mafelelezo a—ki a... kwa mafelelezo a Liswayo la Busupa. Mulemuhe. Ki mafelelezo a lusika lwa keleke. Ki ma—ma mafelelezo a Liswayo la Busupa. Ki mafelelezo a Litolombita. Ki mafelelezo a Manaka, mane neba mafelelezo a kutateka kwa Mileniamu. Zeo lifumaneha mwa Liswayo la Busupa.

<sup>234</sup> Kuswana fela ni ku kunupa fulai ya roketi mwa mbyumbiyulu. Mi roketi yeo ya panca fa, mi kipeto iya

m wahalimu ni kupanca hape. I ka bonahalisa linaleli ze ketalizoho. Iiliñwi ya linaleli zani ya panca mi ikasha linaleli ze ketalizoho za yona; mi kipeto iliñwi ya linaleli zani ya panca mi ikasha linaleli ze ketalizoho za yona. Mwabona, ya yunda.

<sup>235</sup> Zeo ki, kakuli, Liswayo la Busupa. Li felisa fela nako ya lifasi. Li felilsa nako ya *se*. Li felisa nako ya *sani*. Li felisa nako ya *se*. Li felisa nako. Lika kaufela lifelela fela ona fa Liswayo la Busupa lani.

<sup>236</sup> Cwale, U ka li eza cwani? Zeo kona ze lu sa zibi. Nji cwani? Ha lu zibi.

<sup>237</sup> Mane se li nako ya litaba ze kaufela, ni kukalisa kwa Mileniamu.

<sup>238</sup> Mulemuhe, kumamulwa kwa Liswayo le neli kokutuna hahulu, kuli, Lihalimu ne li kuzize ka Zona, “mwa kukuza, ka nako yelikana licika la hola.” Cwale, ki Nto yetuna! Kiñi Seo? Ne ku kuzize, mwa Lihalimu. Nekusina sika se ne si shenyize mwa nako yelikana licika la hola.

<sup>239</sup> Cwale, licika la hola haikoni kuba nako yetelele haiba una ni nako ya tabo. Kono, mwa mayemo a lifu ni Bupilo, ne kubonahala inge nako yelikana Mileniamu. Neli nto yetuna hahulu!

Jesu na si ka I bulela. Hakuna neba alimuñwi wa bona.

<sup>240</sup> Joani mane na si ka ñola za Teni. Batili, na hanisizwe kuñola *fa*. [Muzwale Branham unata fa Bibebe ya hae habeli—Mu.] Mwabona, kuna ni fela mu...fela...Na si ka Li ñola, kono kwa ki kukuza.

<sup>241</sup> Mi babahulu ba ba mashumi amabeli ni babane bene bayemi fapila Mulimu, Kwani, inge ba liza liharepa zabona; ba kuza kuliza liharepa zabona.

Mangeloi akuza kuopela kwa ona, mwa Lihalimu.

<sup>242</sup> Munahane! Likerubimi akenile ni Liserafimi, Zona za na boni Isaya mwa tempele, ni mafufa a sikisi...kamba mafufa amabeli mwa likalulo zetalu. Zetalu...Amabeli kwa lifateho sa yona, ni amabeli kwa mahutu, ni amañwi inza fufa. Mi uinzi musihali ni busihu, fani, fapila Mulimu, inza opela kuli, “Uyakenile, uyakenile, uyakenile, wena Mulena Mulimu Yamata kaufela!” Mi neba ha ne akena mwahali, kamba kukena mwa tempele, misumo ya tempele ne i nyungiwa, ka—ka kubateni kwaona.

<sup>243</sup> Mi ona Liserafimi ze kenile ze za kuza. Mangeloi akuza kuopela. Uh-huh. Whew! Inza fufa Fapila Mulimu, aopela kuli, “Uyakenile, uyakenile, uyakenile,” A kza. Hakuna Mangeloi ana opela. Hakuna milumbeko. Hakuna—hakuna sebelezo ya fa aletare. Hakuna, sika. Nekubile kukuza; kukutumana, kukuza koku sabisa hahulu mwa Lihalimu, ka nako yelikana licika la hola.

<sup>244</sup> Nyangela kaufela ya Lihalimu ne i kuzize ka nako yelikana licika la hola, mi cwale kunutu ya Liswayo la Busupa mwa Buka ya Puluso na li to kwaluha. Munahane ka zona. Kono, Li kwaluhile. Ngunyana ki yena ya I mamula. Mwa ziba kana? Ne ba mbemukile ka Zona, Na lumela. Ne ba si ka ziba; ki Zeo foo! Ne ba tilo kuza fela.

<sup>245</sup> Kiñi? Kiñi Seo kana? Cwale, hakuna neba alimuñwi wa luna yaziba. Kono, Ni—Ni ka mi bulelela, mwa—mwa sinula yaka ya Zona.

<sup>246</sup> Mi, cwale, Ha ni si ka itwaeza kuba wa tumelo yefitelezi. Haiba Ni ya cwalo, Ni tokwile za zeo, mwabona. Hani . . . Hani si ka itwaeza lika za malikanyiso, ni za kuinahanelia fela.

<sup>247</sup> Ni bulezi litaza zeñwi, zekona kuba zenca kwa batu babañwi. Kono cwale Mulimu ataha mwa sibaka, kwa mulaho wa Sona, ni ku Si paka ka kubulela kuli Ki Niti, mi kipeho leo liba Linzwi la Mulimu. Mwabona? Ikona kubonahala bunca, ka nzila yeo. Mwabona?

<sup>248</sup> Mi cwale, kuy aka niti sina ha Ni yemi fa katala fa busihu cwana, Ni bile ni sinulo ye patuluzwi. Ki buino bobuinzi ka mayemo amalalu. Ze Ni ka bulela ku mina, ka tuso ya Mulimu, ka kutatana kwa Yona. Mi cwale mina . . . Ha lu fiteleñi kuzona, pili. Ki ye sinulo, ka kukala ze Ni bata ku mi bulelela, seo sili Sona. Se si ezahala, ki kuli . . . Mishika ye Supa Yani utwile inge i luma, mi ahaniswa kuñola; yeo kona kunutu yateni, inge ainzi kwa mulaho wa Mishika yani yene luma cwalo. [Muzwale Branham ungongota fa katala linako nyana—Mu.]

<sup>249</sup> Cwale, kiñi? Ha lu batiseñi. Kiñi? Ki kunutu yeo mutu a sa zibi sika kayona. Joani na hanisizwe kuñola sika ka Zona, mane—mane neba kuñola sisupo ka Ona. Kiñi? Kona ha ne kusina kezo ni yeñwi mwa—kezo yekana mwa Lihalimu: neika shongolola kunutu. Kikuli mwa bona cwale? [Kopano ili, “Amen.”—Mu.]

<sup>250</sup> Haiba Ki nto yetuna, I lukela kuekezwa mwateri, kakuli Ina ni kuezahala. Kono cwale Mishika yesupa . . .

<sup>251</sup> Cwale mulemuhe. Mangeloi a supa ha na utwahalisize Litolombita za ona, nekubile mushika ulimuñwi. [Muzwale Branham ungongota fa katala hañwi—Mu.] Isilaelie ha na kopanyizwe, nekubanga tolombita. “Foo nako ha i ta fela,” tolombita ya mafelelezo, mushika ulimuñwi.

<sup>252</sup> Kono ki ye fa Mishika Yesupa yenamile hande, kaswanelo mwa mundandwe: iliñwi, zepeli, zetalu, zene, zeketalizoho, zesilezi, zesupa, yona nombolo yelukela yani. Mishika Yesupa mwa mundandwe wa yona, ya utwahala, isiñi . . . kueza fela—fela iliñwi, zepeli, zetalu, zene, zeketalizoho, zesilezi, zesupa, ka kutatamana. [Muzwale Branham ungongota fa hasupile fa katala—Mu.] Cwale, Mahalimu na si ka ñola Sani. Mahalimu

hakoni kuziba sika ka Ona, hakuna zeñwi hape, kakuli hakuna ze lukela kuzwelapili. Ne li nako ya kuikatulusa. Neli ye tabisa luli, kufitela, Ne i bulukilwe ili kunutu kwa Mangeloi.

<sup>253</sup> Cwale, kiñi? Haiba Satani akona ku Li utwa, na ka eza sinyeho yetuna. Yeo kona nto iliñwi ya sa zibi. Cwale, wakona kutoloka sika kaufela sa bata, ni kulikanyisa mpo ya mufuta kaufela, (Na sepa musweli mwa itututa), kono hakoni kuziba Se. Ha si si ka ñolwa mwa Linzwi. Ki kunutu yetuna.

<sup>254</sup> Mangeloi, lika kaufela, a kuza. Kambe ne ba ka shenya neba hañwi, ne ba ka lyanganisa sika, kacwalo ba kuza fela, kuliza liharepa. Sika kaufela sa kuza.

<sup>255</sup> Sebene, ki nombolo ya Mulimu yepetehile. Sebene, [Muzwale Branham ungongota fa katala linako ze sebene—Mu.]fafasi fela a mundandwe. Mishika ye sebene ya utwahalisa manzwi a yona hamoho, inge kuli ibulela sika cwalo. Mulemuhe, ka nako yani, Joani akalisa ku Li ñola. Ki hali, “U si ke wa Li ñola.”

<sup>256</sup> Jesu na si ka bulela ka Zona. Joani na si ka Li ñola. Mangeloi hakuna za na ziba ka Zona. Ki nto mañi Yeo kana? Ki sika sa kuli, Jesu naize, “Neba Mangeloi a Lihalimu na si ka ziba” hakuna neba sesiñwi ka Sona. Mwabona? Mwabona? Na si ka Li ziba, Yena kasibili. Naize, “Ki Mulimu fela” yanakona ku Li ziba.

<sup>257</sup> Kono Na lu bulelezi, ha lu ka “kalisa kubona lisupo zeo liezahala.” Cwale mulibile kokuñwi? [Kopano ili, “Amen.”—Mu.] Ku lukile. Mulemuhe, lu “kalisa kubona lisupo zeo ha linze litaha.” Mwabona?

Haiba Satani na ka kona ku Li lemuha . . .

<sup>258</sup> Haiba mubata sika kuezahala . . . Cwale mulukela kunga manzwi aka ka sona. Haiba Ni lela kueza sika, Ni ka itulela fela ni kuzize kufitakubulela mutu ka sona. Isiñi kuli mutu yani u ka si shongolola, kono Satani u ka si utwa. Mwabona? Hakoni ku si utwa, haiba siinzi mwa pilu yaka, haibile fela Mulimu u si kwahezi ka Moya o Kenile, kona kuli zeo li mwahala ka ni Mulimu. Mwabona? Hakuna za ziba ka zona konji ha u li bulela, kona akona ku li utwa. Mi Ni likile . . . Ni bulelela batu kuli Ni ka eza sa *kuli-kuli*, mi mubone fela diabolosi ha comaula kwatensi mawili, kulil ni fite foo, mwabona, kuli ani nate ku sona. Kono haiba Ni amuhela sinulo yezwa ku Mulimu, mi kusina kubulela sika ka zona, fohe kipeto kwa shutana.

<sup>259</sup> Muhipule, Satani uka lika kulikanyisa. Uka lika kulikanyisa sika kaufela se i ka eza Keleke. Ulikile kuezanga cwalo. Lu li lemuhile, ka antikreste.

<sup>260</sup> Kono ye kona nto iliñwi ya si ke kulikanyisa. Hakuna kuba malikanyiso ku yona, mwabona, kakuli ha I zibi. Hakuna mo akona ku Li zibela. Ki Kuhoha kwa Bulalu. Yena fela hakuna za ziba ka Zona. Mwabona? Ha Li utwisisi.

<sup>261</sup> Kono kuna ni kunutu ye fumaneha mwatani Mwani! [Muzwale Branham ungongota fa kataha hañwi—Mu.] Kanya ibe ku Mulimu kwa mahalimu akwa Halimu! Hanikoni kunahana ze swana, mwa bupilo bwaka kaufela, ha Ni li boni zeo. Cwale, Ha ni zibi... Na ziba muhato otatama foo, kono Ha ni zibi, mwa ku tolokela zeo. Hakuna kuliyeha. Ni ñozi kulo fa, ha ne li ezahalile, haina mwakona kubona faa, “Amuyeme. Musike mwa ya fahule kufitelela foo.” Ha ni si ka itwaeza kuba ya fitelezi wa tumelo. Ni bulela fela Niti.

<sup>262</sup> Kono mwa hupula likatulo le li nyinyani, le Ne ni lika kutatulula ka mo moyo no inezi bukaufi ni lona ku wa *kuli-ni-kuli*, mi ni lizwalo la mwahali, ni lika ze cwalo kaufela? Zeo, ne li ezize fela sirkwata tuna sa malikanyiso se ne si kalile mwa mulaho wa sona. Mo ne ba ngezi lizoho, ni kuswala sicaba, ni ku utwa kunjanja? Mañi ni mañi nana ni kunjanja kwa mazoho a bona.

<sup>263</sup> Kono mwa hupula, ha Na ni isize fahalimu fani, mi ali, “Kwa kona Kuhoha kwa Bulalu kwani, mi hakuna ya ka Li ziba.” Mwa hupula cwalo? [Kopano ili, “Amen.”—Mu.] Lipono ha li palelwangi. Zona ki za Niti ka kupetaha hande.

<sup>264</sup> Cwale mulemuhe. Wa hupula pono ya mulalambinda? Charlie, Na... Ki fo he cwale.

<sup>265</sup> Kuna ni se si ezahala, Ne ni mi bulelezi, biki yee, kuli muka... Libile ni mina kaufela, kono ha Ni zibi haiba mu li lemuhile.

<sup>266</sup> Mwa hupula mulalambinda, wa pono ya Mangeloi, ha Ne ni zwa kwanu kya kwa Arizona? [Kopano ili, “Amen.”—Mu.] Mwa hupula yani yakuli *Ki Nako Mañi, Sha?* [“Amen.”] Mwa hupula cwalo? Mulemuhe, nekuna ni fela kupanca kulikuñwi kokutuna kwa mushika, mi Mangeloi a sebene a bonahala. Kana ki cwalo? [“Amen.”] Kupanca kulikuñwi kwa mushika, Mangeloi a sebene a bonahala.

*Mi Na bona Ngunyana ha mamulula liswayo lapili, mi  
Na utwa, inge linzwi la mushika wa pula, mi sesiñwi sa  
libupiwa sali, Taha u to bona.*

<sup>267</sup> Mulemuhe, mushika ulimuñwi, Mañusa a Sebene a swailwe mi hakoni ku patululwa kufitela lizazi la mafelelezo, la lusika loo. Mwabona ze Ni talusa? [Kopano ili, “Amen.”—Mu.]

<sup>268</sup> Cwale kana mulemuhile siemba sa kunutu ya sunda yee? Kona seo sili Sona. Kona mo Si bezi. Ha i si kaba mutu, wa—wa mutu fela. Ibile Mangeloi a Mulena. Mulemuhe.

<sup>269</sup> Kuna ni lipaki, zetalu, zeliteni moo, kuli sunda yefelile, nako nyana fela mwendi ki biki yefelile, Ne ni yemi, kwa mulaho wa malundu, bukaufi ni Mexico, ni mizwale yemibeli yeliteñi mo. Inge ni itomola muutwa, kamba liseto, kwa lihutu la bulukwe bwaka; mi kupanca kwa utwahala, kuli mane, mo ne

ku bonahalela, ne ku nyungile malundu. Cwale, yeo ki niti. Ne ni si ka bulelela mizwale baka, kono ne ba lemuhile shutano.

<sup>270</sup> Mi ki Hali ku na, “Cwale aku itukise. Zamaya kwa upa. Ki ye toloko ya pono yani.” Mwabona? Cwale, ka ku mi zibisa, Muzwale Sothmann ha si ka fumana folofolo ya na yezi. Ne lu lika ku mu tusa ku ifumana. Mi ki Hali, “Cwale, busihu boo, ka sisupo ku mina, hana ku kona kueza cwalo. U lukela ku ikenisa ili wena ka nako ye kwa poto ya Mangeloi.” Mi Na ikutwa kulyangana, mwa hupula.

<sup>271</sup> Mi Ne ni li kwa wiko. Mangeloi na taha kwa upa. Mi ha yo taha, Na ngelwa mwahalimu ki ona, (mwa hupula cwalo?) kutaha kwa upa. [Kopano ili, “Amen.”—Mu.]

<sup>272</sup> Mi Muzwale Fred, mwahali mo busihu boo, ki pak, ni Muzwale Norman. Hane lu ya cwalo, Ne ni bata ku mu hapeleza kuli muuna yani aine alibebele folofolo ya hae. Kana ki cwalo, Muzwale Sothmann? [Muzwale Fred Sothmann uli, “Amen.”—Mu.] Eehe, kiyan, uyemi fani. Ne ni mu hapelelize; kono, mane, Ki hali, “Hana kueza cwalo.” Ne ni si ka bulela sika; lwa zwelapili kuya.

<sup>273</sup> Sesiñwi, ne siinezi kwa matuko a tende, zazi lani... Wa hupula, Muzwale Sothmann. Mi Na, ona fani fela ha ni to bulelelwa lika, kuli Ni ku beye wena ni Muzwale Norman... Ukai Muzwale Norman? Kwa mulaho kwani. U li beye mwa buitamo, kuli basike ba bulela ze ne ezahala. Kana ki cwalo? [Mizwale bali, “Amen. Yeo ki niti.”—Mu.] Kikuli Ne ni sikuluhile ni kuzwa kwa tende yani, sina cwalo? Kana ki niti yeop? [“Yeo ki niti.”]

<sup>274</sup> Kakuli, se kona mo ne siinezi, kona mo ne siinezi luli, ni kuziba kuli Ne ni si ka libulela konji ha li yo ezahala, kubona haiba sicaba ne si ka utwisisa.

<sup>275</sup> Mi kana mu lemuhile? “Lingeloi li liliñwi lani,” Na li, “mwahali mwani, ne kuna ni Lingeloi le li ipitezi.” Na bonahalile hahulu ku na kufita ufi kaufela wa Ona. Mwa hupula cwalo? [Kopano ili, “Amen.”—Mu.] Na li mwa mulalambinda; amalalu kwa neku ni neku, mi li liliñwi fahalimu. Mi lene li inzi kwa bulyo bukaufi ni na fa, ha ni bala kuzwa kwa nzohoto kuya kwa silyo, na lukela kuba Lingeloi la busebene. Na bonahala kubenya hahulu, na shutana ku amañwi a Ona kaufela. Mwa hupula? Na li, “Na fumbukisize sifuba sa Hae, sina cwalo, mi nasweli kufufa kuliba kwa upa” (mwa hupula) “sina cwalo.” Se nili, “La ni isa mwahalimu; ku ni nanulela mwahalimu.” Mwa hupula cwalo? [“Amen.”]

<sup>276</sup> Ki Se fa, yana sweli Liswayo la Busebene, nto ye Ni bile ni bilaela hahulu mwa bupulo bwaka kaufela. Amen! Maswayo amañwi ani na talusa zeñata ku na, eni sha, kono, oh, ha mu zibi kuli Se sitalusa sikamañi, ka nako yeñwi mwa bupilo! [Muzwale Branham ungongota fa katala linako nyana—Mu.]

<sup>277</sup> Na lapela, Na lilela ku Mulimu. Na—Na—Na... Kasamulaho wa fani mukopano wa mwa Phoenix... Ufi kaufela wa sicaba, kwani bene bali nina, ba ziba. Na lobala mwa malundu.

<sup>278</sup> Kakusasana omuñwi, Na zuha ni kuya kwa Sabino Canyon, ona malundu amatuna ani, a shengile, amatelele luli. Mi Na pahama fani. Mi kuna ni kanzila nyana fela ka mahutu, ha mu se mu fitie fahule, ku yo fita fa Lemmon Mountain, ili musipili wa limaili ze mashumi amalalu kuzamaya ka mahutu, mwa litwa fahalimu fani. Kacwalo, fahalimu mwa lilundu, kakusasana luli li si ka pazula kale, ne ni ya mwa kanzila ka mahutu ka, inge ni lahaka macwe hanze ni niya cwalo. Na utwa inge ya ni bulelela kufetuhela neku *le*. Mi Na sikuluha, mi na yo ipumana mwa macwe amatuna, a buhali akauhani, oh, mawi, mafiti amatelele mianda anda mwahalimu.

<sup>279</sup> Mi Na kubama fafasi mahala macwe ani. Na lula Bibebe *ye*, ni kulula buka *ye*...lona litapa nyana *le*. [Muzwale Branham ubonisa Bibebe ya hae ni litapa—Mu.] Na li, “Mulena Mulimu, kana pono ye italusa sikamañi? Na—Na—Na...” Na li, “Mulena, ki... Kikuli ku talusa kuli na shwa nji?”

<sup>280</sup> Mwa hupula, ne ni mi bulelezi kuli, “Ne ni hupula kuli ne kutalusa kushwa kwaka, kakuli kuna ni se ne si tilo panca kuli mane sa ni nyunga kuikutwa liembaemba.” Mwa hupula cwalo. Ki ba bakai baba ziba? [Kopano ili, “Amen.”—Mu.] Kiñi, luli, mwabona, kaufela mina. Mi Ne ni hupula kuli ikona kutalusa lifu la ka.

<sup>281</sup> Mi cwale mwa muzuzu, Na li, “Neli... Kiñi—kiñi—kiñi sani, Mulena? Kana—kana si talusa sikamañi? Kikuli sitalusa kuli Ni ka shwa nji? Haiba ki cwalo, ku lukile, Hanina ku bulelela lubasi lwaka. Mutuhele fela ni zwelepili, mwabona, haiba musebezi waka ufela.” Mi Na li...

<sup>282</sup> Cwale, neli sikamañi seo? Kono A luma bupaki kapili, mwa hupula ha ni mi bulelela zeo, kuli ne si cwalo. Ne li kuzwelapli kwa musebezi waka. Oh, oh, oh! Mwa utwa kana? [Kopano ili, “Amen.”—Mu.] Mwabona? Mi ne ni inzi mwa Sabino Canyon...

<sup>283</sup> Ndate wa Lihalimui wa ziba cwalo. Ka niti fela sina ha mu ka bona zeo liezahala, Mangeloi ao ataha fafasi ni ku to paka Liñusa kaufela kuba le li swana. Mi, mu ka ziba haiba Lizwa ku Mulimu, kamba nee. Ne li bulezwi kale, ku mina, ka pono. Ne ni si ka mi bulelela konji sebelezo ha se i felile, kakuli Ne ni ni sizwe.

<sup>284</sup> Mwa Sabino Canyon, inge niinzi kwani kakusasana, Neni nanuzi mazoho aka mwahalimu. Mi cwale... Moya no so fufiselize kuwani yaka yensu fafasi. Mi... Ne ni yemi fani, ni mazoho aka ananuhezi mwahalimu, inge ni lapela. Na li, “Mulena Mulimu, seo sitalusa sikamañi? Ha ni si utwisisi, Mulena. Ki sikamañi se Ni lukela kueza? Haiba ki nako yaka ya kuya kwa Hae, lumeleza kuli ni ikele, kona fo basike ba ni

fumana. Ha ni lati kuli kube ni ya ka ni lila, hase Ni ile. Ni—Ni bata fela lubasi kunahana kuli Ne ni ile fela musipili. Mi habana ku ni fumana. U ni pate kokuñwi. Haiba Ni ya kwahule, kupalañi, tuhela ni ikele. Mwendi Joseph uka ifumana Bibele yaka inge i beilwe fa, zazi leliñwi, mi yena a I tusise yona. Mwabona, haiba Ni ya kusili, tuhela ni ikele, Mulena.” Mi Ne ni nanuzi mazoho mwahalimu. Mi, hañihañi fela, sesiñwi sa wela mwa lizoho laka.

<sup>285</sup> Ha ni zibi. Ha nikoni kubulela. Kana ne Ni lobezí nji? Ha ni zibi. Kamba kikuli Ne ni keni mwa pono nji? Ha ni zibi. Ne li pono nji? Ha ni koni ku mi bulelela. Nto fela ye Ni kona kubulela ki kukuli Ha... Kinto fela yeswana ni Mangeloi ani mwa na bezi!

<sup>286</sup> Mi la nata lizoho laka. Mi Na talima, ne li mukwale. Mi ne u na ni silungo se sibenza, sesinde luli; mi ne una ni sipushu, sa gauda. Mi buhali ne bu bonahana kubenza ko kufata, inge silivera, luli neli kubenza ko ku ipitezi. Mi neli o buhali maswe, oh, mawi! Mi Na nahana kuli “Nto ye hanili ki yende nji!” No kwanile fela hande mwa lizoho laka! Na hupula, “Ye ki nto yende luli. Kono,” Na li, “yela, Ni mutu ya saba lika ze, ona mukwale.” Na hupula nali, “Ni ka eza sikamañi ka ona?”

<sup>287</sup> Mi ona fani fela Linzwi la nyunga kulo kwani, macwe a pazauha. Ali, “Ki Mukwale wa Mulena!” Mi cwale Na zwa ku yona.

<sup>288</sup> “Mukwale wa Mulena.” Cwale, haiba Li bulezi kuli, “Ki mukwale wa mulena yomunyinyani...” Kono La li, “Ki Mukwale wa Mulena.” Mi kuna ni fela “Mulena alimuñwi,” mi yoo ki Mulimu. Mi Una ni Mukwale ilimuñwi, leo ki Linzwi la Hae, le Ni pilile ka lona. Kuli, aku ni tuse, Mulimu; inza yemi fa sipula sa Hae se si kenile fa, ni Linzwi le likenile le libeilwe fa! Ki Linzwi! Amen! Oh, ki lizazi lelicwani mo lupila! Ha ki nto kwa butuna! Mwabona makazo ni kunutu? Ya Bulalu...

<sup>289</sup> Na yema fani sani ha si ni siya, Sesiñwi sa taha fela kuna sali, “Usike wa saba.” Cwale, Ne ni si ka utwa linzwi. Inge mwahali kuna, le li bulela. Ni lukela fela kumi bulelela niti, ze ne ezahalile fela ona cwalo. Sesiñwi sa wa, mi sa li, “U si ke wa saba. Kwa kona Kuhoha kwa Bulalu kwani.”

<sup>290</sup> Kuhoha kwa Bulalu! Mwa hupula Zeo? [Kopano ili, “Amen.”—Mu.] Ki hali, “U bile ni balikanyisi babañata ku ze, zo likile kutoloka. Kono,” ali, “u si ke wa lika mane, Se.” Mwa hupula kana? Ki ba bakai baba hupula pono yeo? [“Amen.”] Kiñi, ku felile. Li tepiñilwe, mane kai ni kai. Foo seli myaha ye sikisi kwa mulaho, myaha ye sebene kwa mulaho. Se kubile myaha ye sebene kwa mulaho. Ali, “U si ke walika ku tatulula Seo.” Ali, “Kwa ki Kuhoha kwa Bulalu, kono Ni ka ku katana kwani.” Ki niti yeo? [“Amen.”] Ki hali, “U si ke wa lika...”

<sup>291</sup> Ne ni yemi ni—ni likatulo la mbututu, Ha ni bulelela. Ali, “Cwale hoha Mohohelo wa Pili. Mi ha uta hoha, litapi li ka matela bulo.” Ali, “Kipeto utokomele Muohohelo wa hao wa Bubeli,” ali, “kakuli Ikaba fela litapi ze nyinyani.” Ki hali, “Kipeto Muohohelo wa Bulalu uka li swala.”

<sup>292</sup> Mi bakutazi bani kaufela bataha bukaufi ni na, bali, “Muzwale Branham, lu ziba kuli wakona ku li eza! Haleluya! Muzwale Branha,! Foo kona fo Ni banga ya tatelizwe luli, ni sikwata sa bakutazi. Mwabona? Na lata sicaba. Ba bata kuli u toloke lika kaufela, *se, sani*.

<sup>293</sup> Mi se Nili, “Kihande, uh, uh, uh,” Na li, “Ha ni zibi.” Se nili, “Na utwisisa kuyamba. Cwale,” Na li, “cwale, taba yapili ya kueza . . . Ye kona nzila ye li ezahalela ka yona. Ha u bona litapi kaufela zelite; ulukela ku nyanganyisa bulo.” Kihande, kona makilikicani a kushuta ao. Kacwalo Na li, “Kunyanganyisa bulo. Cwale, mwa bona, Ha ni to nyanganyisa bulo, nako yapili, cwale tapi ya matela kwateni.” Kono neli fela ze nyinyani. Mi inge kona fela ze ne ba swala.

<sup>294</sup> Kacwalo he Na—Na li, “Kipeto muka—muka ina . . .” Mi Na i yabula, kuihohela fa likamba. Mi Na ba ni tapi, kono ya bonahala inge litalo lelikwahezi fa bulo, neli fela . . . neli kakanyinyani hahulu.

<sup>295</sup> Mi cwale Ne ni yemi fani, mi Sesiñwi sa li, “Ne ni kubulelezi kuli u si ke wa eza cwalo!”

<sup>296</sup> Na kala kulila. Muhala kaufela wa ni tateza, sina *cwana*. Mi Ne nina nila . . . ne ni yemi fani, inge ni lila, ni toho yaka inge ni inyongamezi sina *cwalo*. Na li, “Mulimu! Oh . . . Ni swalele! Ni—Ni mutu wa sikuba. Mulena, usike . . . Ni swalele.” Mi Ne—Ne ni na ni kashuto ka.

<sup>297</sup> Mi sani, sene Ni nani mwa lizoho laka, neli likatulo nyana la mbututu, lelikona kulikana fela *cwana*. Mi Ne ni na ni muhala wani, ono kona kulikana mwa butuna sina munwana waka, inge licika la inci, cwalo. Mi lisuba la kwele ya likatulo neli fela kulikana ni . . . bunyinyani kufita inci ha—ha ialulwa ha sikisitini, nasepa, mwa inci, kona lisuba la muhala. Mi Ne ni lika kutama likatulo le, ka ona muhala tuna woo. Huh!

<sup>298</sup> Linzwi la taha, lali, “Ha u koni kuluta limbututu za Pentekota litaba zetuna za moyo.” Ali, “Cwale basiye fela ona cwalo!”

<sup>299</sup> Mi ona fani A ni isa mwahalimu. Ani paheka fahalimu, a ni beya fahalimu luli fani, fo ne kuna ni mukopano. Ne ibonahala inge tende kamba situwa sa muyaho omutuna, ka mubonahalelo o cwalo. Mi Na talima, mi nekuna ni ka kwakwati kaka likani, cwalo, kanto kakalikani fela kaka beilwe kwa tuko. Mi Na bona kuli Liseli lani ne li ambola ni mutu, fahalimu aka, Liseli lani le mu bona mwa siswaniso. La pikuluha kuzwa ku na, sina

*cwalo*, mi la zwa mwa tende yani. Mi ali, “Ni ka ku katanyeza mwani.” Mi ali, “Wo ikaba Muohohelo wa Bulalu, mi hauna ku Li bulelala mutu.”

Mi mwa Sabino Canyon, A li, “Wo ki Muohohelo wa Bulalu.”

<sup>300</sup> Mi kuna ni lika zetuna zetaalu ze zamaelela ni Yona. Mi iliñwi ikwaluhile kacenu, kamba, mabaani; yeñwi ikwaluhile kacenu; mi kuna ni nto iliñwi ye Ni sa koni kutoloka, kakuli li inzi mwa mushobo o sa zibahali. Kono Na yema ona fani ni kutalimela hande ku Yona. Mi wo ki Muohohelo wa Bulalu otaha. [Muzwale Branham ungongota fa katala halalu—Mu.] Mi Moya o Kenile wa Mulimu... Oh, mawi!

Leo kona libaka Lihalimu kaufela ha ne li kuzize.

<sup>301</sup> Cwale, Ni—Ni yemele fela mwendi ona fa, mwabona. Na fela—fela ni ikutwa kuhaniswa, kuli nisike na bulela zeñata ka Yona. Mwabona?

<sup>302</sup> Kacwalo, muhupule fela, Liswayo la Busupa, libaka lene Li kwaluhezi. [Muzwale Branham ungongota ha silezi fa katala—Mu.] Mwabona, libaka lene Isika Li patululela, hakuna ya lukela ku Li ziba.

<sup>303</sup> Mi Ni bata kuli muzibe, mane Ni si ka ziba kale Linzwi ka Sona, pono yani ya taha ka myaha yefelile. Mwa hupula cwalo? [Kopano ili, “Amen.”—Mu.] Mi ki Se fa, inge fela yeñwi yee, kukena hande mwa Linzwi kone Li inzi. [Muzwale Branham ungongota fa katala linako zepeli.] Mi Mulimu uziba pilu ya ka, Na li kuba neba nako iliñwi kuhupula ze Cwalo, mi Nekuli ona cwalo. Nako se ifelile kufita mo lunahanelia. Uh-huh. Oh, mawi!

<sup>304</sup> Seo Si bonisa kuli si zwa ku Mulimu, kuli, mwabona, Sa swanela handende mwa lisepiso za Mulimu, kuzwa kwa—kwa Liñusa. Mwa lemuha. Mulemuhe cwale, kwa Liñusa la nako ya mafelelezo, Liswayo lee. Kasamulaho wa foo, Na—Na sa patuluzi Maswayo a silezi, kono Ha buleli sika ka la Busupa. Mi Liswayo la nako ya mafelelezo, ha Si kala, ikaba kunutu yetezi luli, kuya ka Bibele, lu si ka ziba Seo. Mi muhupule, Sinulo 10:1-7 kuya fa 7, kauhanyo 10:1 kuya fa 7, “Kwa mafelelezo a Liñusa la lingeloi la busupa, likunutu kaufela za Mulimu li ka zibahala.” Lu kwa nako ya mafelelezo, ki kukwaluha kwa Liswayo la Busupa.

<sup>305</sup> Cwale, ne Ni zibile cwani? Zazi leliñwi, Sunda yefelile, biki fela ya kwa mulaho kacenu, ha ne Ni kutaza ka zakuli “Mu ikokobeze! Mu ikokobeze! Mu hupule, Mulimu u sebeza mwa lika zenyinyani.” Ne ni si ka lemuha ze ne a mbolwa. Mi cwale Na si bona. Ki ka nzila ye ishuwile luli! Mukona kunahana kuli nto yecwalo ikona ku patuluelwa ku ba Vatican kamba... Kono Li taha sina Joani Mukolobezi. I taha sina kupepwa kwa Mulena luna, mwa sicelo. Kanya ku Mulimu! Kacwalo ni tuse, hola i fa kaufi! Amen! Ki luna ba moo. Oh, mawi!

<sup>306</sup> Cwale kikuli mwabona nji, Niti ya pono ya Mulimu, Mangeloi a sebene inza ni tisa kuzwa kwa wiko? Nasweli kuzwa kwa wiko, inza taha kukutela kwa upa, inza tisa Liñusa le busihu boo. [Muzwale Branham ungongota fa katala habeli—Mu.] Oh, mawi!

<sup>307</sup> Cwale, Linzwi la mushika omutuna wani, ni musebezi o notisizwe fa, u patuluzwi, kuli Ibe . . . ni kupakiwa kuli Ne li za Mulimu. Munahane fela cwale. Ne ni si ka ziba Maswao aa, mi a patuluzwi sunda yee. Kana ku na ni ya na hanile cwalo, ka ona Mangeloi a sebene ao aba Se, kakuba Liñusa la kuli na ka taha, Mangeloi ani na ni kutiseza kwanu ka ona Ze? Mwabona?

<sup>308</sup> Muhupule, Mulumiwa wa bu sebene neli . . . Balumiwa ba sebene neli . . . Yena Yana bonahala hande ku na, neli Lingeloi la busebene, Ne li bonahala ku na hande kufita amañwi. Cwale, mwabona, na yemi sina *cwana*. Cwale, lu bata fela kuli mulemuhe. Mi Na neni yemi *faa*, mi Ne ni sweli kutilima amañwi ani . . .

<sup>309</sup> Mwabona, la pili, sikuwata sa pili, sa linyunywani zenyinyani, mafufa a zona kaufela inza supilefafasi. Mwa hupula zeo kana? Mi kaufela zona za fufela kuliba kwa upa. Mi sikuwata sa bubeli, neli se si benya hahulu, linyunywani zetuna nyana, ze ne bonahala sina linkwilimba, za mafufa a shengile. Ne li fufela kuliba kwa upa. Muholo Wapili, Muholo Wabubeli, mi kona kutatama Mangeloi. Mi haibile . . .

<sup>310</sup> Ne ni yemi ona fani, mi kupanca kwani kwa to ni siya. Mi Ne ni talimela neku *le*, kwa neku la wiko, mi sa taha mi Ato ni lwala kuya mwa halimu, mwahalimu Koo. Na ya kuliba kusina kuziba sesiñwi. Mi leliñwi la Ona, la taha, kona lene Libonahala ku shutana hahulu ku na, neli Lani lene lili kwa . . . Nelili kwa nzohoto, kone Ni kenezi mwa mulalambinda wani. Kono ha ni bala kuzwa kwa nzohoto kuya kwa silyo, nelikaba Lingeloi la bu sebene, mwabona, kutaha neku le. Cwale, muhupule, Balumiwa ba ba sebene.

<sup>311</sup> Kikuli mwa hupula piramidi ya Licwe le li sweu, la tolo ya Junior Jackson ye ne ni mi tolokezi? [Kopano ili, "Amen."—Mu.] Mwabona? Mulemuhe, busihu bo ne Ni fundukile, mi Na . . . Nekuna ni litolo ze silezi ze ne ni tahezi, mi ifi ni ifi kaufela itamahani hande kwa nto yeswana. Mi cwale pono ya kalisa, ni ku ni lumela kwa wiko. Mi, Junior, nasweli kutilima inge a . . . Mulemuhe. Mutualime hande ka swanelo!

<sup>312</sup> Cwale, Ni—Ni sepa ni kulumela kuli mina sicaba mu ka lemuu kuli Ni lika kubeya muhau wo ku Jesu Kreste, Yali yena Mukalisi wa Zona kaufela. Mi libaka fela le mu si ka ni utwela kuambola taba ye fateni, mwa bupilo bwa hao, kono hola ye i sutelezi. Mwabona? Mwabona? Mulemuhe.

<sup>313</sup> Cwale ka ku ieza kuba hande, ku mina, kuli ikone ku utwahala. Ni libelezi ku mi siya hape. Ha ni zibi ko Ni kaya.

Ni swanezi kukutaza Evangeli kwa libaka zeñwi. Kono cwale, kuli . . .

<sup>314</sup> Wakona kubulela kuli, “Ni utwile mufuta wa tumelo ye fitelezi yeo.” Ha ni sa ziba; Hanikoni ku atula mutu.

<sup>315</sup> Ni lukela fela ku ikalabela ku Mulimu ka se Ni . . . ka—ka za ka. Kono kana kukile kwaba nako neba iliñwi fo Ni kile na mi bulelela sika ka Libizo la Mulena, se si si ka luka, mwahala myaha ye kaufela? [Kopano ili, “Batili.”—Mu.] Hakuna mutu yakona kubulela cwalo, kakuli Ne ni li bulela kamita kuya ka mwa Na ni bulelezi.

<sup>316</sup> Cwale ha luboneñi ni mi bonise kuli ye luli ki niti, mi i pakilwe.

<sup>317</sup> Cwale muhupule, “Haiba kuna ni mutu wa moyo kamba mupolofita, Na Mulena ni ka bulela ni yena mwa lipono, ni ku mu zibisa ka litolo.” Kutoloka litolo, kona cwalo. Josefa, nakona kutoloka litolo, ni kubulela ni—ni kubona lipono. Kana ki niti nji? [Kopano ili, “Amen.”—Mu.]

<sup>318</sup> Cwale mulemuhe se. Kuli, cwale, nako ye ne si ezahalile se, Junior na yemi mwa simu yene—nabile ni piramidi yetuna kuyona, sina cwalo. Mi nekuna ni se ne si ñozwi fa macwe, mi Ne ni sweli kupatulla Sani kwa sicaba. Kana ki cwalo, Junior? [Muzwale Junior Jackson uli, “Yeo ki niti.”—Mu.] Mwendi silimo mutumbi lisi ka ezahala kale.

<sup>319</sup> Mi mulemuhe nto yetatama cwale. Na nopa kota yeomile ni ku Iloba, mi mwahali nekuna ni Licwe le lisweu lene lisika ñolwa sika ku Lona. Mi, ka nako yani, Na kala kuya wiko. Mi Na ba bulelela kaufela, Na li, “Musike mwa ya kwa wiko. Amuine mo ni kutalimela ku Fa konji ha Ni ka kuta.” Aya kwa wiko, ku yo pancisa; ni kukutela kwa upa, ka Moya o Kenile ni kutoloka Linzwi le li ñozwi. Cwale, haiba yani luli ne si Mulimu Yamata kaufela, Ni bata kuli muzibe se.

<sup>320</sup> Kiñi ze Ni sweli kubulelela taba ye, balikani? Ki ku mi bonisa kuli lu kwa nako ya mafelelezo. Cwale, haiba zeñwi zani li zamaeleta hande ka swanelo ni Linzwi, kona mo ibezi yepetile ni yona Ye fa Linzwi ka swanelo! Kiluna ba fa. Lu kwa mafelelezo, balikani.

<sup>321</sup> Cwanoñu ikaba kuli “nako se i felile.” Bolulule ba ka latehelwa ki bupilo bwabona. Bolule lule bakaba cwalo, baba lumela kuli cwale ba pilisizwe, ba ka baliwa kuba matakala mwa lusika lwa atomiki. Lu pila mwa nako ya mafelelezo. Ka sishemo sa Mulimu Yamata kaufela, ka tuso ya Hae kutusa sicaba sa Hae, kuli bakone kutalima kwapili kwa kubonahala ko kutaha kwa Kreste! “Kukanga nako yekuma kai, Muzwale Branham?” Mwendi myaha ye mashumi amabeli; mwendi ki myaha ye mashum aketalizoho; mwendi ki myaha ye mwanda. Ha ni zibi. Mi mwendi ki kakusasana; mwendi ikona kuba busihu

boo. Ha ni zibi. Mi haiba mutu ubulela kuli wa ziba, wa fosa. Mwabona? Ha zibi. Mulimu, fela, ki yena ya ziba.

<sup>322</sup> Cwale muteeleze. Kacwalo aku nituse, ka Mulimu, Ni bulela Niti, kuli litaba Ze lilemuhiwa ka moyo kuna, li lemuhiwa ka Moya o Kenile. Mi, ka ifi kaufela ya Zona, i zibahalisize sibaka sa Sona mwa Bibebe.

<sup>323</sup> Cwale, seo kunutu yetuna ye ili sona se si ibeilwe mwatasi Liswayo le, Ha ni zibi. Ha ni si zibi. Ne ni si ka si utwisisa. Ne ni si ka Si utwisisa, neli fela mo ne Si—fela mo ne Si bulelezi, kono Ni ziba kuli Neli ona Mishika ye Sebene yani yene utwahalisize manzwi hamoho ona cwalo, inge i luma fela ka linako ze sebene. Mi Ya putuluha kuba nto isili yene Ni boni. Mi, ha Ni mano bona Sani, Na bata toloko. Sa fufela fabuse cwalo, mi Na palelwa ku utwisisa hande. Yeo luli kona niti. Mwabona? Nako ha i si ka kwana kale ya Zona.

<sup>324</sup> Kono, Si sweli kukena mwa sikwenda sani, mwabona. Si sata fahalimu fakaufi. Kacwalo, taba ye mulukela kueza ki kuhupula kuli Ni ambola ku mina ka Libizo la Mulena. Mu itukise, kakuli ha mu zibi nako yeo sika si kona kuezahala.

<sup>325</sup> Cwale, seo ha si ka fita fa tepu, mane Si fitile, si ka kasheza balikani bana likitikiti zabona kwahule nina. Kakuli, ba ka bulela kuli, kuli, “Muzwale Branham ulika ku i kutwisisa, ni ku i pahamisa, ki—ki mutanga kamba mupolofita, kamba nto yeñwi, fapila Mulimu.” Ha luboneñi ni mi bulelele, mizwale baka, kuli ki mafosisa.

<sup>326</sup> Ni mi bulelala fela ze Ni boni ni se ni bulelezwi. Mi cwale mina—mina mueze kaufela ze mubata. Ha ni zibi ya ka eza . . . se si ka nga sibaka. Ha ni zibi. Ni ziba fela kuli Mishika ye Sebene yani kona ye sweli kunutu. Mahalimu na kuzize. Kaufela mwa utwisisa njii? [Kopano ili, “Amen.”—Mu.] Yakona kuba nako, ikona kuba yona yola cwale, kuli mutu yomutuna yo lu kulubela kuli atahé a i ponahaze.

<sup>327</sup> Mwendi ki bulumiwa, bo Ni likile kuisa sicaba kukutela kwa Linzwi, bu tomile mutomo; mi haiba ki cwalo, Ni ka mi siya, kuyakuile. Hakuna kuba neba alimuñwi wa luna fa ka nako yeswana. Mwabona? Haiba ki cwalo, yena u ka tunafala; Na ni ka kusufala. Ha ni zibi.

<sup>328</sup> Kono Ni bile ni tandaalezwi, ki Mulimu, ka kutilima ni kubona seo ne Sili sona, mwabona, mwabona kubona kuputululwa koku cwalo. Cwale, yeo ki Niti.

<sup>329</sup> Mi Ni ziba hande kuli mu lemuhiile lika zebile li ezahala mwa sinda yee. Ni ziba hande kuli mulemuhiile mushimani wa Collins yomunyinyani yani, yana shwa, busihu bobuñwi; musizana yomunyinyani yani, yana kula lukemia.

<sup>330</sup> Mubuso wa Mulimu wa taha. Mi se uya uba bukaufi kuzwa kwa bunyinyani kutaha kuzetuna, sina mo kubezi. Cwale, zeo

ha li lukeli kubilaeza sicaba. Kuzwa kwa kutapiswa ka kuluka, kuya kwa kukeniswa, kuya kwa kolobezo ya Moya o Kenile, mi cwale ni *fa, fani*. Mwabona? Lu sweli fela kusutelela bukaufi ni Mulimu, ka nako kaufela.

<sup>331</sup> Kikuli hamuboni, bakutazi ba Methodist, kuli mane liñusa la mina la kukeniswa nelili fahallimwa lene li kutilizwe ki Luther?

<sup>332</sup> Mina Mapentekota, kikuli ha muboni kuli liñusa la mina la kolobezo lifitelezi ze kutazwa ki ba Methodist nji? Mwa ziba ze Ni talusa nji?

<sup>333</sup> Oh, lubile ni litaba zeñata zebile liezahala! Mi yeo ki niti. Mi haiba kuna ni mutu kaufela ya ka hanyeza bumaswe, mi sicaba si bulela litaba zeli fela za buhata mi isi Niti, Ni toile cwalo.

<sup>334</sup> Kono Ni—Ni lata Niti yetezi hande, hakuna taba kamba I toloka cwani lika ka nzila *ye* kamba nzila *yani*. Haiba Ki Niti, Mulimu uka I patulula ka Niti. Mi haiba Asa ezi cwalo, leliñwi la mazazi a cwanoñu, kipeto pono yaka ne si ya niti. Cwale mubone fone Ni lobezi.

<sup>335</sup> “Li ka ezahala lili, Muzwale Branham?” Ha nikoni ku mi bulelela. Ha ni zibi.

<sup>336</sup> Kono, leliñwi la mazazi aa, haiba lu sa bonani hape fa lifasi le, lu ka yo kopanela kwa—kwa Sipula sa Katulo sa Kreste. Mi mu ka fumana cwana, kuli, mwa muzuzu wani, sinulo yezwa ku Mulimu, inge fela zeñwi kaufela mo libezi, kuli Zani . . . Iliñwi ya likunutu za Liswayo lani, libaka lene Li si ka patululelwa, Neli Mishika ye Sebene ye ne utwahalize manzwi a yona. Mi Ki yani fani, ka swanelo. Kakuli, hakuna se si ziba sika ka Sona. Mane ne li si ka ñolwa. Kacwalo, lu kwa mafelelezo. Ki luna ba faa. Ni lumba Mulimu ka Linzwi la Hae.

<sup>337</sup> Na itumela ku Yena ka Jesu Kreste. Kakuli, kusina ku Mu luma kuba—kuba swalelo ya libi za luna, kaufela luna ne lu kaba mwa newa ya sibi, kusina sepo. Kono, ka sishemo sa Hae, Mali A—A hae atapisa sibi kaufela. Kuswana fela sina enge ni hemele ya mulyani obozwa Clorox, hamukoni kufumana enge yani hape. Libi za luna ha li bakezwi, li beiwa mwa Mali a Jesu Kreste; halina ku zibiwa hape. Mulimu u li libezi; ne li si ka ezahala fateni mane. Mi haibile fela Sitabelo sani si beilwe fani mwa swalelo yefilwe kuna, kipeto kufelile. Kona mafelelezo, mwabona. Luna—luna ha lu baezalibi ni hanyinyani. Lu Bakreste, ka sishemo sa Mulimu. Muhupule, ka luna bañi ne lukaba fela baba maswe fela sina mo lubezi cwalo kamita. Kono, mwabona, sishemo sa Mulimu si bonahalile ku luna, mi kona se si luezize kuba mo luinezi kacenu, Bakreste ba mizwale ni likezelí.

<sup>338</sup> Ye ibile sunda yetabisa hahulu ku na. Ni katezi. Ngana yaka i katezi. Kakuli Ni—Ni nani . . . ka liza zende ze Ni kona kueza. Ni nto yeñwi inge i ezahala, zazi ni zazi. Ne ni nze ni komoka;

kuzamaya mwa muzuzu, ni kuina mwani ka mizuzu nyana, ni kubona Sika ha si nni kutisa fela kwa mulaho.

<sup>339</sup> Mi, fa, Ne ni kena mwahali ni kunga litaba zeñozwi zee. Ne ni ngile libuka za Dr. Smith, Uriah Smith, mi, oh, ba—ba bañoli kaufela ni babañwi cwalo, ni kubala kuzona, ni balile libuka zabona. Na li, “Cwale *kile* fa Liswayo la Busilezi. *Kile* Liswayo la Bune. Cwale muuna yo ubulela sikamañi? Na ka bulela kuli, ‘Kihande, Neli *se*, *sani*, kamba *sesiñwi*.’” Na talima neku le ni kunga muuna usili. Na bulela kuli Ne li sa *kuli-ni-kuli*. Mi ne kubonahala inge kuli Na fela . . . Ne li si ka beleka fela hande. Mwabona?

<sup>340</sup> Mi Na hupula kuli, “Kihande, kisikamañi Se, Mulena?” Mi Na zamaya kafa ni kafa mwa muzuzu fa nako nyana. Ma kubama ni kulapela. Na kuta kwa mulaho na pamula Bibele; na inafafasi, nabala. Nakuta mwa mulaho ni kwa pata.

<sup>341</sup> Mi, hañihañi fela, ha Ni to kutumana, ze Seo se si putuluha fela ona cwalo. Mi Na pamula siñoliso kapili, ni kukalisa ku Liñola ona foo, kaufela seo ne Ni bona ni kueza. Na Si talima, ona cwalo, kufutela Ni Li ñola kaufela.

<sup>342</sup> Mi Na ikungela zona, mwa musihali kaufela, ni kuya inge ni nahana ka Zona, mi ni kubona haiba Ne ni ka Li tamahanya musihali kaufela ka Mañolo. Ni, “Kubatisisa lika kaufela.” Mwabona? Na fumana Se fa.

<sup>343</sup> Mi Ni nahana kuli, “Cwale, kuna ni batu babañata bababile ni lipono. Kuna ni batu babañata bababile ni ze sinuzwi.” Haiba li lwanisa Linzwi, mu li tuhele zecwalo; kona niti, mu li siye kihona.

<sup>344</sup> Cwale, cwale, kipeto Ni kala kulatelela se kuyofitafafasi *cwalo*, ku si latelela ona *cwalo*. Na ñola litaba zeñwi fateni. Na hupula kuli, “Kihande, cwale, sitopa si ka taba kuutwa litaba zee, kakuli za tamana *fa* ni kutamahana *fa*. Cwale, ha lu boneñi, se sibulela sikamañi *fa*? Eeni. Mi, ehe, ki se fa, ona *fa*.” Mwabona?

<sup>345</sup> Ni ku li tisahande mwa Bibele, ni kutama lika hande hamoho, mwahala sunda. Ki Seo foo, fa matepu. Mu amuhezwi kuzona. Mi Ni ezize cwalo ka zibo yaka kaufela, mwatasa kutwani ya Bukreste, sishemo sa Mulimu, kwa batu kaufela, ka Jesu Kreste. Ni ezize zende luli mo Ni zibela.

<sup>346</sup> Mubile silisiñwi sa litopa zende hahulu. Hakuna yakona kuba yomunde kufita mo mubezi ka kuina kwamina. Mina kaufela mutile kwa ka wani kiloko musihali, kuisa ka faifi kiloko, kaufela ko ne ba kwalula keleke ni kutisa za . . . kulumeleza sicaba kukena. Mu yemi mwa silami; muine mwa litwa; muezize lika kaufela; muyemi kwa matuko a limota, mane mahutu amina a opa. Ni boni baana, bainafafasi. Balumeleza basali kuyema, mi babañwi ba yema, ni zeswana sina cwalo,

inge baliteni mwa sibaka. Na hupula kuli, “Mulena, taba kaufela...”

<sup>347</sup> Ye ibile biki ye ipitezi luli. Taba kaufela ibile ye ipitezi luli, kuli, batu ha ba taha, ku ba bona inge bayemi fande, mwa mahaulo, mwa minyako, ni kwa mulaho, kai ni kai, inge ba teeleza. Mi kuya ka mubuleli, Na mane ha ni mubuleli. Ni—Ni nani ngana yeñata, ya kuziba kuli ha Ni ya cwalo, kuli ha Ni mubuleli. Kono ki kabakalañi batu ha ba ka ina ni kuteeleza sina cwalo? Kiñi ze bakona kuezeza cwalo? Ha ba telangi ku to teeleza mutu yaswana sina na. Kono ba taha bakeñisa kuli kuna ni Sesiñwi ku sona, se si biza sicaba. Yeo kona niti. Mwabona? Kuna ni Sesiñwi ku sona, se si ba biza.

<sup>348</sup> Sina musala ka ha na yemi fa katafa ni kuopela, hane Ni kalisa:

Ba zwa kwa Upa ni Wiko,  
 Bazwa kwa linaha za kwahule,  
 Ku to ca ni Mulena, kuca sina baenyi ba Hae;  
 Ba fuyozwi cwani batu ba!  
 Ba buha pata ya Hae ye kutekeha  
 Ye benya ka Liseli la Bumulimu;  
 Ba fuyozwi baci ba muhau wa Hae,  
 Sina macwe abenya mwa mushukwe wa Hae.

<sup>349</sup> Cwale kamita mu hupulange cwalo, “Kuba licwe la butokwa mwa Mushukwe wa Jesu Kreste.” Paulusi naize kwa Keleke, “Mina mu—mina mu macwe abutokwa, kamba, macwe a Mushukwe wa Hae.” Lu bata kuba macwe a butokwa a Mushukwe wa Jesu Kreste.

<sup>350</sup> Ha lu lati, kubeya mutu mwateni. Mu libale lika kaufela ka na. Na ni muzwale wa mina, muezalibi ya pilisizwe ka sishemo, ya sa swaneli kupila. Yeo luli kona niti. Ha ni buleli cwalo kubata kuba ya ishuwile; yeo kona niti. Hakuna sika ku na, hakuna neba nto iliñwi yende, ko kutokwa.

<sup>351</sup> Kono sishemo sa Mulimu si konisize meto aka, a zielehile a sibotana kutilima mwabuse bwa lisila leli pumahanya nako ni kubona mwabuse, mani Ni ku yo kuta.

<sup>352</sup> Ha ne Nili fela mushimani yomunyinyani, Ne ni lata batu. Ne ni tabela kuli mutu ani late mi aambole ni na. Hakuna ya naeza cwalo, bakeñisa libizo la lubasi. Hakuna ya na tabela kuambola nina.

<sup>353</sup> Kono ha Ni to ipa ku Mulimu, cwale... Sicaba sa hesu, kwa makalelo, kakuba ma Irish, Na hupula kuli, “Mwend... Kaufela bona neli ba Katolika, mi mwendi zeo nelikaba Hande.” Na ya *kwani*, mi Na li cwalo ka nzila yeñwi. Mi Naya kwa keleke ya First Baptist, mi kwani neli nzila isili hape.

Na li, “Mulena, ku lukela kuba nzila yeñwi ya niti.”

Mi Sesiñwi sa li, “Ki Linzwi.”

Ni sweli Linzwi leo. Na talima pono ifi kaufela, kai ni kai.

<sup>354</sup> Zazi ha Ni toma liewe la mwa lilulu lani kafani, ni kubeya sani mwateni, Na ñola fateni sa Na ni bonisize kakusasana wani mwa pono. “Utiye mwa nako yende, ni nako ye maswe; ukalimele ka pilutelele kaufela ni mwa Tuto. Kakuli nako ya taha ha ba si ke ba utwa Tuto ye pilisa; kono kabakala litakazo za bona ba ka ikubukanyeza, baluti, kabakala kubaba mwa lizebe; mi ba ka keluha kwa Niti, ba si kuluhele kwa matangu.” Mi Ni boni likota zepeli zeo, zene Ni yemi bukaufi ni zona, lieza ona taba yeswana yeo. Yeo ki niti. Mi kifo he cwale. Mi yeo ki niti. Mi, cwale, hamuna kuba . . .

<sup>355</sup> Muhupule. Haluboneñi ni mi susueze hape. Musike mwa li, “Ni itumezi,” ku mutu kaufela, ni hanyinyani. Musike mwa bulela, kuli, mukutazi yomuñwi kamba nto yecwalo, mutu yomuñwi wa nama; kuna ni sesinde ka yena. Kakuli, hakuna. Hanina taba kamba ki mañi. Hakuna nto yende ku mutu kaufela. Yeo ki niti.

<sup>356</sup> Haiba kuna ni libunda la litolombita zeliteni faa, mi iliñwi ya zona i liziwa ka munembo usili, ki yena mutu . . . Litolombita zeo halina mulumo likuzize. Ki mutu ya kona kuliza tolombita, ya ziba sa ka eza, ki yena ya pamula tolombita. Haili tolombita haina sa kueza ni sona. Mulumo u zwelela kwa butali bobuli kwa mulaho wa yona. Yeo ki niti. Kacwalo, litolombita kaufela za swana.

<sup>357</sup> Batu kaufela ba swana. Bakreste kaufela ba swana. Hakuna mutu yomutuna mwahala luna. Ha lu baana babatuna, hakuna basali babatuna. Kaufela luba lu mizwale ni likezeli, ka kuswana fela, mwa mayemo a swana fela. Ha luna “yomutuna.” Alimuñwi habi yomutuna kufita usili, ha ki taba ni yekana, ya kueza. Batili, sha. Kono luna kaufela lu libupiwa fela za batu.

<sup>358</sup> Uusike wa lika kutoloka lika. Usike wa lika kueza sika ka kufiteleza kufita kupila fela bupilo bo bu swanelia, unzo fa milumbeko ni likute ku Jesu Kreste. Mutu kaufela mwa utwisisa zeo cwale? [Kopano ili, “Amen.”—Mu.] Mi kipeto mu Mu late ka pilu yamina kaufela. Kikuli muka eza cwalo? [“Amen.”]

Na Mu lata, (Mi Nikana ni mulata!) Na Mu lata  
 Kakuli U ni latile  
 Ni kuleka puluso yaka  
 Fa Kalvari.

<sup>359</sup> Kulumbwe Mulimu! Kikuli kaufela mwa utwisisa hande? [Kopano ili, “Amen.”—Mu.] Kana kaufela mwa lumela? [“Amen.”] Muhupule ha Ni kalisa nako yapili, “Kimañi ya lumezi manzwi aluna? Lizoho la Mulena li bonahalezi ku mañi?” Kikuli U patuluzi ku mina, sishemo sa Hae, bunde bwa Hae? [“Amen.”] Amen. Muhupule fela, mu Mu late ka lipilu za mina kaufela.

<sup>360</sup> Na kutela kwa lapa cwale. Ni ka kuta kwanu hape, haiba Mulena alata, mwendi kwa makalelo a kweli ya Mbuwana.

<sup>361</sup> Mwendi, haiba Mulena asi beya fa pilu yaka, mwendi nako yeñwi kwa makalelo a mbumbi ye, sina Mbuwana kamba nto yecwalo, mwendi kwa makalelo a litabula, haiba Mulena aliyeha kutaha, Ni ka tabela kukuta ni ku to ingama masihu amañwi a sebene, kwa Litolombita ze Supa za mafelelezo. Kikuli mu ka tabela cwalo? Kana muka lata cwalo? [Kopano ili, "Amen."—Mu.] Kikuli mu ka ni lapelela kwateni, kuli Mulimu ani tuse? ["Amen."] Ku lukile.

<sup>362</sup> Kufitela Ni mi bona hape, mu hupulange pina yende ya kale yee:

Na Mu lata, Na Mu lata  
Kakuli U ni latile  
Ni kuleka puluso yaka  
Fa Kalvari.

<sup>363</sup> Cwale Ni bata kuli muinamise litoho za mina. Ni bata ku mi lapelela. Mulisana a si ka lukulula kale sicaba, Ni bata ku mi lapelela.

<sup>364</sup> Ndata luna yakwa Lihalimu, kifo sicaba cwale, Mulena, si utwisise. Zeo mane, Na ziba hande kuli kuna ni babañwi baba sa utwisisi. Kono, Ndate, bona cwale ha—ha ba zibe mulelo tenyene. Mi ha ba utwisise, Ndate, kuli—kuli ki sishemo sa Hao ku bona litaba ze ha lipatululwa. Mi Ni bata ku itumela ku Wena, Mulena, ka zibo ya kuziba litaba Zo lu patululezi.

<sup>365</sup> Mi Ni lapelela mutu kaufela yaliteni mo, mañi ni mañi yabile mwa mikopano. Haiba kuna ni yomuñwi ya sa lumeli, mawe, Mulena, haabe mulumeli.

<sup>366</sup> Ni lapelela kaufela ya ka utwa Mañusa aa ka tepu. Mi haiba A wa, mane Akawa, hani kakanyi, mwa mandu ni libaka za baba sa lumeli babañata baba ka shutana ni zona; kono, Ndate, Ni lapelela ufi ni ufi, kuli a si ka bulela kale linzwi la kunyefula, kuli pili aine fasasi ni kubatisisa mwa Mañolo ka se si bulezwi, ni kubulela ku Wena kuli wa sepahala luli mi ubata kuziba haiba taba ye ki Niti, kamba nee. Mi Na mu lapelela, Ndate.

<sup>367</sup> Mi Ni lapelela bona ba bayemi kwa mamota aa, baba yemi fande, baba inzi mwa limota za bona, ni bana babanyinyani, ni kaufela bababile mwahali. Ni kaufela bona fela, Mulena, Na ba lapelela.

<sup>368</sup> Mi Ni lapela kuli litapelo za ka li ka alabiwa, kuli U ba fuyole. Pili, Mulena, ufe mañi ni mañi Bupilo Bobusafeli. Ni lapela kuli kusike kwa fumaneha neba alimuñwi ya ka lateha, kutokwe ni yomukana.

<sup>369</sup> Mi cwale, Ndate, ha lu zibi kuli nako tuna ye ikaba lili. Kono ha lubona lisupo ze inge libonahala, ni likezahalo za Mañolo

kuezahala, li lemusa lipilu za luna kufita tikanyo. Mi Na lapela, Mulimu Ndate, kuli U ka lu tusa.

<sup>370</sup> Ni lapela kuli U ka tusa mulisana waluna yomunde, Muzwale Neville. Mu eze, Mulena, atale sishemo ni kutala mata, ni kutwisiso, kuli akone kunga Sico se si bulukilwe se ni kufepa lingunyana za Mulimu.

<sup>371</sup> Mulena, Ni lapela kuli U kasheze matuku kwahule ni luna. Ha li ezahale, kuli sicaba ha si kula, kuli ba hupule Mali atezi mate a Mulena Jesu aliteni fa aletare, kuli aeze swalelo. Mi Ni lapela kuli ba foliswe ona cwanoñuy kapili.

<sup>372</sup> Mi Na lapela kuli U buluke mata a Satani kwahule ni bona, kuli asike a ba zwafisa, kamba kulika ku ba eza likwata za bulapeli busili. Kamba, kubeya fela mata a sila kwahule, Mulena. Lu keniseze kwa Linzwi la Hao. Lumeleza cwalo, Mulena.

<sup>373</sup> Mi, Mulena, Na lapela kuli U ni tuse. Ni—Ni—Ni kala kuletuka, Mulena. Ni ziba kuli mazazi aka ha sa kona kuba amañaña hahulu. Mi Ni lapela kuli U ni tuse, kuli ni be wa niti, Mulena, ni kusepahala ni buniti, kuli Ni kone ku lwala Liñusa kuya ka mo li fezwi kuna ku li lwala. Mi ha se ili nako yakuli Ni swanelia kulobala, mi Ni shetumukela kwa Nuka, ni mandinda akala kutaha, O Mulimu, shangwe Ni yo kona kutambeka Mukwale wo ku yomuñwi fela ya ka sepahala ni Ona, Mulena, mi yoo uka lwala Niti. Lumeleza cwalo, Mulena. Mi, kufitela nako yeo, nituse kuli ni be ya tiile mi yaiketile, ni ya bundume.

<sup>374</sup> Tusa keleke yaka. Lufuyole hamoho, Mulena. Lu ba Hao. Lu ikutwa cwide kuli Moya wa Hao u mwahala luna. Lu lumela kuli U ka alaba litapelo za luna. Kakuli, luipa ili luna ku Wena, ka Linzwi la Hao, kwa sebelezo ya mazazi asiyehi a luna fa lifasi lee, ka Libizo la Mwana'a Mulimu, Jesu Kreste, Mupulusi wa luna ya latwa, kwa kanya ya Hae. Amen.

Na . . . (Mulimu ami fuyole!) . . . Na Mu lata, (ka  
pilu yaka kaufela),  
Kakuli U ni latile.

<sup>375</sup> Mulimu aku fuyole, Muzwale Neville . . . ? . . . Ina fa sibaka sa musebezi . . . ? . . .

### LISWAYO LA BUSUPA LA ZWELAPILI

<sup>376</sup> [Kona mufeza fela kuteeleza *Liswayo* la *Busupa* la makalelo ka mo ne li kutalelizwe kakutala la Sunda manzibwana, Liyatamanyi 24, 1963 ili fa Branham Tabernacle mwa Jeffersonville, Indiana. Muzwale Branham na sa lati tepu yapili ye kuli ihasanyiwe. Zazi lelitatama, la Mubulo, Liyatamanyi 25, 1963, Muzwale Branham aya kwa muzuzu wa motela ya Muzwale Fred Sothmann ni Muzwale James Maguire bene

bali ka nako yani mwa zamaiso ya kupanga matepu. Muzwale Branham abulelela mizwale ba ali, "Ha ni lati kuli liñusa le li hasanyiwe ka mo liinezi." Kasamulaho wa kuteeleza ku lona yena kasibili, a kakanyeza mizwale kuli ba pumele tepu fokuñwi, mi fa sibaka seo (kukala fa paragirafu fa nombolo 261) a ekeza fateni nako yelikana mizuzu ye mashumi amabeli mwa butelele (liparagirafu za 377-415). Siemba sesinca se cwale sa itusisiwa mwa sibaka sa kufela kwa makalelo fa (paragirafu 261-375). Manzwi a ki ona fela ana hasanyizwe a "Liswayo la Busupa" kufitela 1966. Kasamulaho Muzwale Branham a ikezi, kakwata ka ba William Branham Evangelistic Association ka lumelelana hamoho kuli ba hasanye ze ne rekodilwe lwapili kwa Tabernacle. Kuzwa nako yani, matepu amabeli ao abile teni. Fa cwale lubeile liñusa le li ekelizwe kwateni la Muzwale Branham fa tepu, hamoho ni la pili la "Liswayo Labusupa." Linzwi lelitatam le mu ka utwa ikaba Muzwale Branham mwa sibaka kwa motela la Mubulo, Liatamanyi 25, 1963—Mu.]

<sup>377</sup> Ikaba nto yende kuli asike a ziba sika ka Zona. Kakuli, haiba na ka ziba, kipeto na ka likanyisa Zeo. Ao kona makilikicani a hae mwa kueza lika.

<sup>378</sup> Kacwalo, he, Mulimu uezize kuli Li patiwe kwa lifasi loote, neba kwa Lihalimu, kuli hakuna mukwa wa ku Li utwisia ka ona, konji fela Mulimu ha na ka Li patulula, yena Kasibili.

<sup>379</sup> Cwale Ni bata kuli mulemuhe, busihu boo, kuli mwa Liswayo la Busilezi, nekuna ni—ni musebezi wa mayemo amalalu mwa Liswayo la Busilezi.

Nekuna ni musebezi wa mayemo amalalu a bapahami ba lipizi.

<sup>380</sup> Kubile musebezi wa mayemo amalalu mwahala litaba ze kaufela. Zeo li lu kutiseza ku zetalu. Mi ya sebene, hape, mwabona, Maswayo, Manaka a Sebene, ni yeñwi cwalo. Cwale, mwahala zetalu ni zesebene, ki nombolo ya Mulimu ni lipalo za Hae za kupatulula Linzwi la Hae.

<sup>381</sup> Cwale mu lemuhe, sina mwa—mwa—mwa bapahami, cwale, nekuna ni lipizi zetalu ze neile. Iliñwi ya zona neili yesweu, yeñwi neli ye soto, yeñwi neli yensu. Mi he, mwa pizi ya bune, kiñi, kaufela zona ne lizwakani hamoho. Mwabona, musebezi wa mayemo amalalu.

<sup>382</sup> Cwale, Mulimu na ezize nto yeswana. Mulimu na ezize zeswana ha Na luma tau ya Hae, ili lona Linzwi la Hae, kuli alwanise antikreste.

<sup>383</sup> Mi cwale lufumana cwana kuli Aluma komu ka nako ya—ya nyandiso, folofolo ya milwalo. Mi mwa nako ya nyandiso yee, kona fela batu ze ne bakona kueza, neli fela kusebeza, mutanga, ni kuipa ili zona kuba sitabelo.

<sup>384</sup> Mi cwale lufumana kuli, mwa lusika lo lutatama, lo ne luli lusika lwa baonfaongi, Mulimu na lumile butali bwa mutu, mutu wa toho sina Sibatana, ili mata ana zamaile ni baongaongi.

<sup>385</sup> Cwale kikuli mu lemuhile? Kaufela . . . Ki kabakaleo batu ba mazazi a ba sa pila mwa mambengo, inge mo ne kuinezi mwa lusika lwa baongaongi, kakuli ba libona fela mwa—mwa nzila ya bulapeli mo li talimelwa. Ba libona mwa nzila yeo likolo li lutive ka yona. Yani nelin nzila ya Mulimu ka nako yeñwi, kono lupilile kufitelela foo.

<sup>386</sup> Cwale lu mwa lusika lwa mbande, sinulo ye lukela kupatululwa, kona taba kaufela. Cwale mubapise se ni Sinulo kauhanyo 10, timana 1 kuisa 7. Mi luka bona fa mwa Sinulo, ki Sinulo fa, 10:1 kuisa 7, kuli, “Mwa mazazi a ku utwahala kwa Liñusa la lingeloi la busupa, ne li lukela kufeleteza likunutu kaufela za Mulimu.”

<sup>387</sup> Cwale lu fumana cwana, hape, ku se, kuli Liswayo la Busilezi, cwale li kwaluhile, neli ka musebezi wa mayemo amalalu. Cwale, ki yeo misebezi yateni.

<sup>388</sup> Nto ya pili, neli, kuli mwalanjo ya lobezi na fitile mwa nako ya Nyandis kuli akeniswe. Nana ni ku keniswa kwa libi za ku sa lumela kwa hae ni kuhana Liñusa. Se, na ezizwe mwa nako ya Nyandiso. Lubona kuli ba felela mo mwa Sinulo 7, mwahala kauhanyo ya 6 ni ya bu 7 mo, kuli na sa tapisizwe, mi na sa filwe liapalo za hae. Cwale, yena ha ki Munyaliwa. Kono ki keleke, sicaba se si kenile sene—sene—sene si sina kolo, mwendi, ya ku amuhela Liñusa, kamba ka nzila yeñwi kuli ne ba foufalistwe ka bapolifita ba mahata ba. Mi bona—bona neba si ka ba ni kolo, kono niteñi ba sepahala hande mwa lipilu. Mi Mulimu uziba lipilu zabona. Mi fa ba tapisizwe, ka nako yee.

<sup>389</sup> Mu li lemuhe, nako yeñwi ya kutapiswa, ki ya Isilaele, nako ya ka kopana. Yeo ki kolo ya bubeli. Mulimu utapisa Isilaele mwa nako ya Nyandiso. Kuzwa mwa ma milioni aka kopanela kwani, ku kaba baba ketilwe baba handeleti ni fote-foo sauzaande, mi ba ka tapiswa, hape. Mulimu usweli kutapiswa Isilaele.

<sup>390</sup> Mulemuhe, kuna ni lifasi kaufela le li ka tapiswa. Ku kaba nto yecwalo kuli kweli, linaleli, ni pupo kaufela, li ka tapiswa. Mwabona seo sili sona? Lifasi lisweli kuicafaza ili lona, ka kutapiswa, la itukiseza Milenamu. Ki Milenamu yetaha. Mi, mwabona, kaufela se si na ni masila ku sona si na ni ku tapiswa ka nako ya Liswayo la Busilezi.

<sup>391</sup> Cwale, cwale, kikuli mwa lemuha? Kwa kukwaluha ka Liswayo la Busupa, liteni hape mwa kunutu ya mayemo amalalu. Ye kwateni, Ni hani . . . ni ka bulela kamba ni bulezi, kuli ki kunutu ya Mishika ye Supa. Mishika ye Supa mwa Lihalimu li ka patulula kunutu yee. Ikaba hande ka Kutaha kwa Kreste, kakuli Kreste naize hakuna ya na ziba nako Ya ka kuta.

<sup>392</sup> Kikuli mulemuhile, fani Majuda ha ba Mu buza cwalo? Muzibe... Ha ne lu bapanya Mañolo mo mwa Mateu 24, ni Maswayo a sikisi, Liswayo la Busupa ne li siilwe. Kakuli, mwa bona, Kreste naize, "Kwanda Mulimu Kasibili ki yena yana ziba; mane hakuna neba Mangeloi." Ki kabakaleo, hane Li si ka ñolwa mane. Mwa bona, ne ba kuzize; hakuna sene si ezahalile. Mangeloi ha Li zibi. Hakuna ya ziba nako Ya taha.

<sup>393</sup> Kono kukaba mu—kukaba ni—ni Manzwi a Sebene, a yona Mishika yee, ye ka patulula sinulo tuna ka nako yani. Kacwalo, Na lumela, ku luna baba... Haiba ha lu Li zibi, mi haiba luna... Halina ku zibahala kufitela nako yeo. Kono li ka patululwa mwa lizazi lani, mwa nako yeo li lukela kupatululelw teñi. Kacwalo, nto ye lu lukela kueza ki kuba ka likute fapila Mulimu, ni ku Mu sebeleza, ni kueza kaufela ze lu ziba mwa kuezeza, ni kupila hande, bupilo bwa Bakreste. Kifa, cwale, lufumana kuli Liswayo la Busilezi lani likwaluhile ku luna; lwa Li bona. Mi lu ziba kuli Liswayo la Busupa le halikoni ku patululwa kwa nyangela konji hola yani ifite.

<sup>394</sup> Cwale, nekuna ni libaka cwalo kuli Mulimu hana lumelelize Manzwi a Sebene a kuli aut wahale. Kakuli, A lukela kutaha, mwabona. Kakuli ki... Lu fumana kuli Kreste, yena Ngunyana, anga bu—bu Buka mwa lizoho la Hae, mi A apula Liswayo la Busupa lani. Kono, mwa bona, ki kunutu yepatilwe. Hakuna ya Li ziba. Kono, Ki—Ki, kuzamaeleta hande ni sa Na bulezi, "Hakuna ya ka ziba Kutaha kwa Hae." Hape ne ba sike baziba ka za kunutu ya Mishika ye Supa ye. Kacwalo, mwa bona, li tamahani hamoho.

<sup>395</sup> Kufita foo, luna ni kutwisiso ya Sona, kacenu, kakuli zeñwi za Teni kaufela li patuluhi; kono ye ha i si ka patuluha. Kono hane ni inzi mwa muzuzu waka, mi Na utwa se... kamba, isiñi ku si utwa, nitaluse, kono na Si bona ha si patulula Mishika ye Supa ye. Cwale, kona fela fo lukona kufita, ona foo.

<sup>396</sup> Mi cwale Ni sepa kuli mañi ni mañi wa mina mu ka sebeleza Mulimu ni kueza ze lukile. Mi mu Mu late, bupilo bwa mina kaufela, ni ku Mu sebeleza. Mi Mulimu uka tokomela ze siyezi kaufela.

<sup>397</sup> Cwale, luna ni, ka kufelegefa fa cwale, ka sishem sa Mulimu, likunutu kaufela za Maswayo a silezi abile apatilwe, mi lu utwissa ni kuziba kuli fa Liswayo la Busupa ha li lukeli kuzibiwa kwa nyangela ni ndopu.

<sup>398</sup> Cwale, Kutaha kwa Hae, ka hola ya Kutaha kwa Hae, foo ha se ili sinyeho ya lifasi, mwa ziba. Na bulezi mwani kuli, "Ikaba sisupo sa kutaha kwa mafelelezo a lifasi?" Mwa Mateu 24, mwani mo ne ba Mu buzize puzo yani. Na shetumukile ku sani. A bulela ka za Isilaele haita kopana kuba na, mwa timana ya 31, ya Mateu 24:31. Kono cwale A kalisa ka linguli, mwabona. Mi mwabona li... "Muitute nguli kwa kota ya feiga. Ha mu ka ibona

ishoshela matali, kiñi, muziba kuli mbumbi i fa kaufi. Mi cwale ha mubona zeo lito ezahala, kipeto muzibe kuli nako i fa kaufi.” Mwabona, Isilaele u kopanela mwa sibaka sa mubu wa habo. Kono, mu lemuhe, Na siile sinulo ya Liswayo la Busupa yee.

<sup>399</sup> Mi fa, fani Liswayo la Busupa, ha Na Li patuluzi, Na li fitelela hape, mwabona. Kacwalo lubona kuli Ki sinulo yekwanile hande, kabakaleo hola ha is i ka kwana kale yakuli kunutu i zibahale. Kabakaleo, lu inzi fahule cwana, mi ze siyezi zateni li ka zibahala ka nako yeo foo Jesu ha ta bonahala mwa lifasi hape, kutahela Munyaliwa wa Hae, kamba kaufela se sikanga sibaka ka nako yeo. Cwale, haisi ka nako yeo, kaufela luna ha lu lapeleni fela, lupile hande, bupilo bwa Bukreste bobunamile, lunze lu talimile kwapili kwa Kutaha kwa Hae.

<sup>400</sup> Mi cwale haiba tepu ye ikona kuwela mwa lizoho la mutu yomuñwi kusili, musike mwa lika kueza mulao usili ka zona. Nto fela yemulukela kueza, muzwelepili fela kusebeleza Mulimu. Kakuli, kunutu yetuna ye ki yetuna hahulu kuli Mulimu na si ka lumeleza neba Joani ku I ñola. Ne i utwahalize mushika, kono Na . . . ka kuziba cwalo, u lusepisa kuli I ka kwaluha. Kono, kuto fita ni nako ye, Ha isika kwaluha kale.

<sup>401</sup> Mi cwale lu itumezi ku Mulimu ka za lu bonisize. Ne ni inzi mwa muzuzu mwani ka mazazi a eiti. Mi Liñusa le Ni mano tatulula fa ku mina, buñata bwa mina mo mu ka utwisisa. Mi Ni sepisize kuli nekuna ni sene siezahala, mwa moyo, ka nako kaufela, kuli Ne ni ziba hande kuli ne mu li mbwinja. Mi fa ki se mo siinezi; ki ponahazo yende ya toloko ya Mañolo a lumilwe ki Mulimu.

<sup>402</sup> Kakuli, lu si ka kena kale ku Zona, mi Na funduka kuliba kwa wiko, Mulena ani bonisa pono zazi leliñwi, mwendi ka teni kiloko, kakusasana omuñwi. Mi Na taha na li tatulula kwanu, kuli ne Ni liboni; ne ni sa zibi mo ne liinezi. Ne li mulalambinda wa Mangeloi. Lu ka hupulanga cwalo. Mu ka li utwisisa fa tepu, yebizwa kuli, *Ki Nako Mañi, Sha?* Kihande, cwale, zeo kona ze musweli uklbona cwale. Mangeloi a sebene . . . Ne nili kwa wiko.

<sup>403</sup> Mwa hupula, balumiwa baba likani; ne ba ile kwa upa. Balumiwa ba bubeli, maiba, nyunywani yetuna nyana, zaya kwa upa. Mi Na talima . . . Nelili ni na, ka nako kaufela. Wani neli Muhohelo wa Pili ni wa Bubeli.

<sup>404</sup> Cwale, wa Bulalu wa zwelela kwa wiko, kuya kwapili ka lubilo lolutuna, lolu sabisa, mi ani shimba mwahalimu. Kwani neli kukuta kwa upa, ni kunutu ya Maswayo a Supa aa. Inge fela mo ne ku bulelezwi mwa—mwa tolo ya Junior Jackson, yana ni lumelileze Mulena ku mu tolokela, “Mwahali a piramidi yani, nekuna ni Licwe le lisweu fone ku si ka ñolwa sika.” Kona libaka ha ne Ni ile kwa wiko, ku yo tamahana ni Liñusa la Mangeloi aa, kukuta kwanu ku to Li patulula kwa keleke. Muhupule, Ne niize,

“Lika zetatama ze ta ezahala likaba kwanu kwa keleke.” Ye fela kona niti.

<sup>405</sup> Nto yeñwi, Ni bata kuli mulemuhe ze ne ngile sibaka. Mi haiba musweli kuteeleza kwa tepu, ya kuli *Ki Nako Mañi, Sha?*, mu ka lemuha kuli Lingeloi li liliñwi neli shutana kwateni kuna. Amañwi ani kaufela na bonahala fela kuswana. Kono Lingeloi le kwateni neli Lingeloi lelishutani. Nelili kwa nzohoto kuna, mwa mulalambinda kueza inge piramindi.

<sup>406</sup> Mi, muhupule, neli mwa piramidi, mone kuna ni Licwe lelisweu le li patilwe fo ku sika ñolwa sika. Mi Mangelozi a ni isa mwa piramidi ona Kasibili, likunutu za Mulimu ze sa zibahali ni ku Ona. Mi, cwale, Bani neli balumiwa bene batilo toloka piramidi yani, kamba Liñusa lani la kunutu la Maswayo a Supa ani afumaneha mwahali a piramidi.

<sup>407</sup> Cwale, Lingeloi, nelili kwa nzohoto yaka, neli lona la mafelelezo, kamba Lingeloi la busebene, haiba ne lu ka Abala kuzwa kwa nzohoto kuya kwa silyo. Kakuli, Nali kwa nzohoto yaka; na inge ni Mu talimezi, kuliba kwa wiko, Yena na zwelela kwa upa, na kaba kwa neku la nzohoto. Kacwalo, lani li lukela kuba Liñusa la lingeloi la mafelelezo, leli shutani luli. Mwa hupula mo ne Ni bulelezi kuli Nana fulalezi, mukokoto wa Hae; ni mafufa a Hae amatuna, a shengile; ni mwa Na fufezi ku na. Cwale, yani ki yena Lingeli la Busupa lee. Niteni i sa li nto ye ipitezi. Mi ki luna... Ha lu zibi kuli kinto Mañi, ka nako ye, kakuli Ha i si ka lumelozwa kuli i patululwe.

<sup>408</sup> Kono cwale, mañi ni mañi wa mina mwa mukopano mu lemuhile kuli, ibile mukopano o ipitezi luli! Mañi ni mañi mubonahalile fela kuba sina... yainezi kwa mafelelezo a sipula. Mi mañi ni mañi inza yemi mwahali mo, ka nako ya wani, tu kiloko mwa musihali, kulibeleta minyako kuli ikwaluhe, ni kutaha kwanu kwa pili. Kuyema kwa mamota; mahutu a opa, ni lika kaufela.

<sup>409</sup> Ki sikamañi seo? Ibile Moya o Kenile o nzo luma Balumiwa, mi Babile ba Li patulula ku luna. Mi cwale mu lemuhe mo Li tamahanezi ni Linzwi, handende.

<sup>410</sup> Mi cwale ni ku mi konisa kaufela mina kuziba kuli ye kona Niti, Na li bulezi kale mwendi—mwendi likweli zepeli cwale, kamba kufitelela, li si ka ezahala kale. Kuli, ha Ni ya kwa wiko, kusina kuziba sika ka Zona; na kuta kwanu ni toloko sina ma Na I fezi. Cwale muhupule, mwa pono, Na si ka ni bulelela taba ni yekana mwa pono fani Ha ni nga mwahalimu. Ne ni saba, kusaba kuli Ne ni ka shwa, ne ni ka bulaiwa mwa kupanca. Mwa bona, Neba si ka eza cwalo.

<sup>411</sup> Toloko ya taha fela kuya ka mo ne Ni tokwela tuso ya Yona, mwani neli mwa muzuzu, mi Na ifa fela kwa sicaba ka mwa Na ni fezi Yona.

<sup>412</sup> Cwale, mwa bona, balikani, lipono ha li palelwi. Zona kamita li petehile. Zona ki za niti fela ka swanelo.

<sup>413</sup> Cwale, haili pono, hamoho ni Linzwi, hamoho ni za kwa ikale, hamoho ni masika a likeleke, ni zeo kaufela, za tamahana hamoho. Kacwalo, Ni kona kubulela ka niti, kuli, kuya ka kutwisiso yaka hande, mi ni ka Linzwi la Mulimu, ni pono, ni sinulo, toloko yateni kikuli SA BULELA MULENA KISONA.

<sup>414</sup> Cwale, Mulena cwale ami fuyole kaufela, mañi kaufela, hande luli, hanze lu yema cwale ni kuopela pina ya kale ya keleke yee. Mulimu ami fuyole, mañi ni mañi. Amen.

<sup>415</sup> [Muzwale Branham uekeza mibamba yemine yetatama, ye ngilwe mwa paragirafu 374-375 ya Liñusa la hae maabani manzibwana, Liatamanyi 24, 1963—Mu.]

Na . . . (Mulimu ami fuyole!) . . . Na Mu lata, (ka  
pilu yaka kaufela),  
Kakuli U ni latile pili.

Mulimu aku fuyole, Muzwale Neville . . . ? . . . Ina fa musebezi  
wa hao . . . ? . . .



*LISWAYO LA BUSUPA* LOZ63-0324E

(The Seventh Seal)

MUKOLOKO WA SINULO YA MASWAYO ASUPA

Liñusa le ka Muzwale William Marrion Branham, neli kutilizwe lwa pili mwa Sikuwa la Sunda manzibwana, Liatamanyi 24, 1963, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)